



927740

素
心
蘭
室
詩
鈔



題詞

枯燈秋粟夢破瀟湘竹一卷伴儂幽獨推窗起葉錢燭
誰唱柳絲曲簾卷人如玉私地背渠偷讀笑我輩眼
猶俗 右調霜天曉角

賈弔 何瑞榮 季衡

一卷披吟絕妙辭風流儒雅亦吾師 杜羨君鐵拍銅琶
手卻轉歌喉唱竹枝
范水模山語最工清遊隨處泛孤篷蘇臺風月西湖雨
都入行囊碎錦中

香山 黃紹昌 肥鄉

如斯天下竟滔滔贏得詩豪並酒豪痛飲狂歌原寄託
美人香草亦離騷危樓賞雪攜紅袖峭壁看碑落彩毫
輸爾俊游兼豔福西湖明月廣陵濤

漫教錦瑟寫離憂莫遣琵琶訴旅愁黯黯浮雲能蔽日
茫茫滄海已橫流山河絕徼誰投筆絲竹中年易感秋
合喚嬋娟觴我醉與君同作看花游

賈弔 陳慶銜 庚白

聽鼓蘇臺已十年珠江迢遞隔雲天新詩寄我教題句
回首侬城月正圓

三世知交結契真一官匏繫老吟身何時買櫂隨君去
萬頃西湖理釣綸

素心蘭室詩鈔卷之一

賈禹陸應黯石孫

登鎮海樓

獨抱凌虛志來登鎮海樓五層雄嶺表一覽小炎洲羊
石斜陽暮獅洋新月秋乘風飛未敢塵世尙戈矛

荔枝行

梅雨脩脩紅欲然天教尤物生窮邊羅襦絳縠豔復豔
風骨自是蓬萊仙我啖荔枝二十載豔色年年長不改
有時斜日倚危樓萬樹紅雲散霞彩赤蚪遺下領間珠
瑛繁捧出光堂隅輕紅細擘玉蕊手異香髣髴龍涎俱
素肌盈盈皓雪比瓊漿入口寒澗齒抱得丹心與俗殊
素心蘭室詩鈔 卷一 一
中有微紋與妙理南徽人才火色多赭顏將奈荔枝何
曲江一賦重千古我亦寄興爲長歌

感遇

天路何寥闊吾身安所之晚晚日遲暮光陰非少時躊
躇步蘿徑風吹松花枝冷月照廢苑荒苔緣斷碑青衫
破不補狂飈來相欺去去莫回顧行吹吳市簾

策馬入元圃河深渺難渡美人招我遊隔溪起煙霧下
風空延想途遠況多露沿溪覓石梁一步一回顧

漂母飯韓信文君識長卿所重在知己安辭榮辱名當
墟想風流藏弓悲狗烹寂寂臨卽遠滔滔淮水清英雄
兒女心淒絕難爲情

永晝獨垂簾香爇海南沈美人渺滄海相思幽以深默
默不得語悠悠持此心仙山豈能到望風彈玉琴
夜永不得寐風葉常疑雨起坐挑寒鐙唧唧哀蟲苦顧
視壁間影掩映似余侮檐低漏星明重茅碎不補豈曰
無良時對酒且歌舞風雲自有期枯苑安足數努力磨
青萍去逐韓擒虎

明月無世情夜夜一垂照嗟我素心人相遺在海嶠驅
馬上東門憑城倚長嘯盈手不堪贈顧影自相弔生年
會有盡奄忽非壯少不如拈曇花與佛共微笑
俯仰問身世茫茫天地空蹉跎七尺軀頑鈍生其中塊
壘抉不去噓氣成白虹提攜雙玉龍去入蓬萊宮

云心蘭室詩鈔

卷一

二

瘦竹如美人風前欲含睇翩然乘青鸞冉冉碧煙際攜
我芙蓉城贈我邗林桂坐我白玉牀招我紫皇袂飛瓊
舞霓裳雙成薦丹荔泛舟銀河邊彩鸞鼓蘭榭白雲飄
然舉豈復履塵世

茉莉曲

生小住花田倩影臨江渚小摘晚風前相憐予與汝置
君懷袖間爲君消煩暑何處結心香目斷藍橋杵

夜合曲

雨過暑全收候郎郎不至手撚夜合花踟躕倩誰寄珍
重念花名莫冷儂心意夜合果何時恩情甘斷棄

柳花曲

飛到楊花又一年游絲無力縮情天春光不管飄零恨
儘日斜陽自放棉蓋茶殿貴齊晉書

積砌堆闌且罷休萍蹤同汝此句留飄零不怨東風虐

無奈韶光已白頭

登聖山頂

高山第一昌黎筆

山頂刻高山第一四字據縣志為韓昌黎書

我輩登臨更

若何大澳東流隨一雁屯門西峙點雙螺問天攜得宣

城句哭像時從杜默歌我是書生本無用虎頭愁看晚

來波

獅洋阻雨

濤聲遙接虎門潮尊酒蒼涼唱大招擊楫有懷思祖遜

素心蘭室詩鈔

卷一

三

傭書無地老班超功名蝴蝶韶光晚身世蜉蝣歲月饒

惜我孤舟怨岑寂一蓬疏雨晚瀟瀟

秋懷

年來多病不勝秋詩酒因緣付贅疣夙恨鬱陶吟楚些

浮生蕉萃倚吳鉤懷人薊北雙鳧渺落木淮南萬象幽

強倒杜康慰岑寂鷺肩安信有功侯

何須更說乾坤事鐵錯而今恨未平五利幾人談魏絳

四愁空自賦張衡江山勝概難忘酒豎子虛名好論兵

試上五層樓上望虎門雲樹不勝情

園林幾日已新霜酒盞茶鑪覺夜長習苦尚同陶士行

不才真作孟襄陽碧花繡血橫磨劍綠篆盤煙半燼香

莫騁壯懷頻叱咤開簾還看月華涼
纔過今日又明朝香影蒲團兩鬢凋作賦有才愁宋玉
封侯無路困班超酒壇節鉞黃金印花鏡簾櫳紫竹簫
我是五陵遊俠客可堪搖落挂詩瓢

紅雲宴

芳宴傳今古劉鋹興不窮羊頭飛雨白犀角簇雲紅地
紀昌華苑居鄰景福宮虬珠迎旭日猩殼豔香風鳳蓋
翹金爵鸞輿控玉驄鞭垂花鴨畔蹕駐荔灣東荻浦無
情綠梅炎著意烘吟蟬供鼓吹剖蚌煥玲瓏星帳樊胡
子霓裳女侍中冬丁文穀曳夏午絳雲籠竈漫燒丹藥
盃還吸碧筒濁醪庸主醉蠻調越人工紫蔚雞冠麗朱

素心蘭室詩鈔

卷一

四

團鶴頂豐衫裙歌舞隊色味綺羅叢板拍芙蓉席枝蒸
翡翠櫛柳漿擎穴狄竹笛和轅童烽火霞城暮溪亭月
峽通瀧頭輕壁壘洗口笑朦朧延壽崇台輔澄樞策上
公魚英惟困酒象戰莫論功錦繖曹騰望晶盤進奉充
興亡聊爾爾遊樂且匆匆號合蕭閒署謠驚己水同燕
支仍細擘馬逕任環攻竟被瓊仙誤翻期李託忠降王
非國主執挺亦英雄十八孃疇惜三千劫己空恨留葩
藪藪愁寄葉蓬蓬萬變誰呈幻重山早兆戎斜陽過故
壤林末點征鴻

題沈芝亭小像

萬卷牙籤二尺鐙似從禪悅證三乘柴門深鎖無人到

髣髴窮山戒行僧

前身傳說是靈芝松鶴風流絕世姿如此仙才難舉似
碧城清冷月明時

小游仙詩

花開花落總成閒疎雨微雲自掩關我是終南都散漢
謫居猶住武夷山

醉臥羅浮夢未成風泉一枕聽松聲龍華莫問當年會
萬樹梅花月正明

一灣流水武陵春擬借桃源學避秦寄語羣仙休目笑
再來迷路又何人

仙姝攜得阮靈華掃地焚香入道家自笑點金無異術

素心蘭室詩鈔

卷一

五

碧桃和雪煮胡麻

憶梅

蘿峯有佳人明眸而皓齒一別三四年相望蘿峯裏殘
月挂梢頭疎影落潭底音問幾時通寸心古井水

畫蘭

夙有離騷癖芳荻未許尋伸紙畫數筆清芬幽以深素
心不可揭微霜時欲侵臨窗一展視坐對彈鳴琴

刪竹

芟竹如汰吏闢草不可多雖有瀟灑致其如支蔓何直
留風表節疏待月流波當路固應去斧斤從不苛

栽菊

養菊如養兒愛憐欲成癖藉彼栽培心留此冷淡迹晚
節有餘香孤標無改易珍重紫泥封灌溉永朝夕
夜來香

矮矮柴門傍水隈牽藤引蔓繞籬開三更人定聞香遠
疑是前身薛夜來

素馨茉莉比來差穿就銀絲一串斜昨夜珠江偃月臥
清芬濃沁鬢邊鴉

蘭

空谷人難到何從問足音香微太古遠風定萬山深室
處非吾願林棲無處尋自吟文獻句相悅至而今

飲酒東陳戟門

素心蘭室詩鈔卷一

六

傍晚閒愁起陶然借酒澆日長人意懶暑老夕陽驕掃
石青留薜環階綠種蕉停杯若有待林外正鳴蜩

交道年來淡元龍意自豪談鋒消夏塵書法妙秋豪世
事同莊夢狂吟託屈騷奇窮都不計暫快左持螯

珍珠蘭

幽香一縷沁罨思如此芳華獨繫思最是招涼涼未已
碧紗幪外露圓時

長洲卽事

新波一棹野航輕夾道蒙茸細柳生入座客如王景略
防邊人似趙營平高吟且莫思彈鋏壯志何堪話請纓
白兔岡前重翹首幾時風浪息長鯨

題畫蘭

一縷幽香沁碧紗，重重幙幔淨無瑕。無人識得清高意，伴爾階頭對月華。
領取靈均無限情，盈盈湘水話前生。而今漸染山林氣，空谷秋涼露有聲。
一蓬煙雨采芳荃，曾上君山第幾回。如此仙姿殊不俗，每逢秋到自先開。

題蘭花便面

深院無人月上樓，每從風露識清愁。幽香不合時賢意，偏占園林第一秋。

寄語靈均知未知，西風西雨正迷離。名花雖好難相待，

素心蘭室詩鈔

卷一

七

分付晴光要及時

後游仙詩

十二瑤臺一置身，試從天際望紅塵。喁喁蟻語微茫裏，知是神州第幾人。

畢竟仙人愛讀書，黃庭內典未刪除。蝌文鳥篆無人識，自向天壇校魯魚。

種得梅花鷺嶺頭，饒他翠羽日啁啾。仙家手植根原固，不怕罡風下界漚。

棲眞筆洞過年年，煉石相期補漏天。祇隔紅牆無路去，雲房空冷藥爐煙。

廿年曾領洞霄宮，花露宮袍溼紺紅。路入蓬萊香似海，

吹噓原不藉東風

銀河槎泛月流光隱隱輕塵隔下方擎得火龍珠在手
要先紅日照扶桑

小游仙詩續

自向湘江採綠蘋露苗煙蕊雨紛紛筠籃滿載原無用
獨上君山拾白雲

白雲天半映朱霞散作霓裳豔奪花遙指赤城人立處
就中偏愛婉凌華

凌華昨夜跨鸞回百扇瑤窗八面開不事人間覓薪火
素娥長送月光來

月光雖好不常圓彈徧瑯瑯恨促絃要與女牛分界限
素心蘭室詩鈔

卷一

八

故將銀漢隔中天

中天耿耿淡疏星玉宇瓊樓夜不扃乘得泰山雲一朵
坐吹虬笛過南溟

南溟秋水水微波點點雲帆逐雁過畫出鮫宮圖一幅
自煩槎使寄湘娥

通州道中作

風高土牆矮車夫催曉征只緣月未沒卻誤天微明蝶
枕戀不已駝鈴搖有聲行行休欲速吾早淡浮名

故國七千里驚心看二毛客程趨北直歸夢落東臯沙
混疑龍戰風狂作虎號張家灣不遠且息旅人勞

清遠峽自峽山寺上古飛來寺

清遠峽中翠如滴一水中通夾石壁峽山古寺枕江邊
平視對山峯歷歷我到茲山第一回七十二峯屏鏡開
僧言此非極佳處絕頂猶有古飛來我是行腳僧再世
攬衣直上誰能繼半山亭下少徘徊獨聽泉流聲細細
一上一上又一上怪石槎枒削如掌阮俞逕外樹參天
半空但有松濤響攀藤附葛幾人同偶然長嘯生天風
俯視羣山半滅沒坐看遠樹浮溟濛石磴窮時得古剎
豐碑斑駁苔紋滑煙蔓盤根偃碧蚪霜林蔽日曬蒼鶻
寺門獨立支孤筇倒聽山腳鳴疏鐘天在山中耳根寂
飛嵐足底雲溶溶半生入寺不拜佛到此心與佛爲一
相看瞪目兩無言自有靈根不須乞前列諸山低復低
素心蘭室詩鈔卷一

九

山山盡處綠蕪齊眠羊諸嶺若隱見陰冑煙雨晴虹霓
我來何必後公遇洞後今夜歸何處袖中招得縹幡雲
與寺飛來復飛去

遊滇陽南山石壁間觀唐元傑開東嶺洞谷銘

南山磴道多嶽寄南山石碣紛瑰奇土埋沙掩不可讀
荒藤野蔓交霜枝當年東嶺開洞谷攜鋤荷畚誰從施
磨厓字字光駁犖云是元傑長夫詞前賢鑿鑿半剝蝕
獨此序銘無闕遺從兄昭肅假茲邑及僧智捷同探奇
元和十一年刻石流彪吐鍰驚山魑意託晦藏雜感喟
筆墨勃萃酣淋漓銀鈞鐵畫不可屈風力振采蟠雲螭
有唐塔銘孰相近圓厚髣髴邕禪師我不能書有痂癖

每到勝地尋遺碑唐賢點畫挾分意宋元以下殊卑卑
後人集帖出鉤勒規矩雖具神情非觀此一路可推類
洗石精拓奚容遲仲堪南山有十詠唐宋比較終參差

登觀音巖

滇陽好山水三峽天削成過城三十里峭壁携空青
崕呀闢洞府陰森驚晦冥維舟攀岸上列炬呼前迎入穴
肆幽覽中空梁木橫盤螺疊轉折捫壁如猿升排虛拓
異境戶牖穹虛明仙座如蓮花巉巖三襲擊其上垂石
乳其下蒸雲英洞口界欄楯俯視江天平朝峯萬點簇
山山張翠屏澄波匹練淨炎氛秋氣凌征帆似飛鳥橫
空摩健翎飛來與碧落錯落如棋枰遙指彈子磯迢迢

素心蘭室詩鈔

卷一

十

煙外撐造物太狡獪造此峻嶒形僻遠世罕至嵌空神
所營有時散飛瀑萬水瀉銀瓶有時縈落日赤幟標霞
城如何明以前未見傳圖經豈伊地荒阻忌才遺秀靈
抑山負骯髒深藏羞炫名今茲摛散逸架閣飛三層慈
雲備供養司香教老僧遨遊偶住足海天看鏡清壁立
千仞上途人嗤蟻行佛火晝掩晦漁燈宵亂星仰天一
呼嘯時聞鸞鶴聲不敢輕叱咤怕使羣仙驚此非蒼龍
溪也學新宮銘

重遊南山石壁上讀宋劉仲堪南山十詠次韻擬

作四首

鳴弦峯

危峯寸寸碧繚繞浮巖煙白雲盪空迥瀉影生淪漣昔
年虞帝子此地來鳴弦眞贗且莫問遺徽終憬然

薰風亭

山勢峭而孤似與俗情忤建亭山極巔天地窄四顧何
時譜薰風勝迹自千古故址一登臨風袂欲翔舞

涵暉谷

哈呀山半開劄剔漸軒敞飛泉鳴遠峯入谷隱傳響倒
涵曉旭暉默坐注遙想此理悟虛中會心獨自往

凌煙嶂

南山山山奇此嶂獨高致陡絕凌雲煙活色滴濃翠依
稀芙蓉峯一夕遠飛至詩成問山靈可以驚魑魅

素心蘭室詩鈔

卷一

重過清遠峽遊峽山得詩十九首

十一

蒼雪崖

高崖天削成峭碧寸寸玉榕根如龍拏攫爪深入谷飛
流噴晴雪匹練斷復續林風颼颼來吹破半山綠

二禺祠

軒轅二帝子分居峽南北終古有遺祠二臣相配食采
藥迹已殊吹笙感何極野諺本無稽山靈藉生色

清音樓

山水有清音茲樓特虛敞如聞環珮聲鳴玉遠傳響非
竹亦非絲小憩祛煩想何處問仙源自拄瘦藤上

淙碧軒

高軒面翠壁琮琤時有聲飛瀑瀦爲潭深碧如玉瑩倒
蘸紅躑躅爛斑成錦屏迴望二禺祠一聲孤磬清

仙源

飛流一千尺磴道二百級大字鐫仙源洞深不可入徘徊
思濯纓雪濺生衣溼

流香橋

飛橋跨深澗俯窺千丈強不辨種花處惟聞流水香我
欲訪桃源隔溪青鳥翔

阮俞逕

萬竹夾一逕綠雲生晝陰采彼阮俞材植茲喬木林栽
筍協角徵仙吹祛塵襟至今明月夜彷彿聞遺音

素心蘭室詩鈔

卷一

七

和光洞

傳言安期生於此剩丹竈五色開榴花陰洞無人到我
讀仙人題夙念息矜躁一味是和光餘論秕稊掃

古飛來

峭壁黝如漆云是古飛來當門列翠嶂一字屏風開是
從何處來永永不飛去物動不如靜此語見真處

歸猿洞

石磴如銜錢險窄亦側仄緣崖若猿升洞口得偃息當
年留玉環返眞在頃刻白雲自卷舒此意杳何極

雲臺峯

危峯高以奇磨崖篆雲隱傳言昭諫書拖力縱而謹禱

祀有神應膚寸生層雲得時雨天下落落雲中君

金芝巖

一巖三洞府異草產金芝欲采雲英去仙人何處期

丹井

何時遺丹井中與海眼通仙藥倘可采吾將師葛洪

黃金磧

石壁被翠褐石磧生黃金到此俯拾是能消貪吝心

縹幡嶺

高踞南禺巔上與北禺對髣髴縹幡形風過滴濃黛

拜經臺

西峯極高處云是拜經臺不敢高念佛怕有精靈來

素心蘭室詩鈔

卷一

三

半山亭

上得東峯半孤亭出此間排空架飛閣磔石截煙鬢碧
嶂當檻列白雲相對閒會當踞絕頂嘯傲羣仙班

鐘樓岡

昔年寺樓鐘夜半飛入水至今鏗鯨聲隱隱聞水底我
來過岡畔風雨捲波起相應在同聲參破此中旨

百花洲

花溪第五灣諸香最深邃瑤臺五十尺一一清以粹有
花嬌可憐我欲抱之睡斜陽將下時此境倍明媚

朝漢臺

高臺百尺俯城闔遺址蒼茫辨可眞明詔尙稱側室子

蠻酋甘署老夫天瞻咫尺尊皇漢地裂山河惜故秦
千載楚庭留舊迹空餘斜日滿荆榛

浴日亭

一角孤亭大海隈登臨眼界亦雄哉茫茫巨浸浮天去
莽莽寒濤湧日來檻外帆檣鼇背矗座邊尊酒屨樓開
中流砥柱吾何敢目擊狂瀾要挽迴

素馨田

森森平田盡素馨香風如霧散零星千秋芳塚無遺碣
一代佳人有盛名翠蔓牽愁花楚楚澹雲寫恨雨冥冥
河南多少珠兒女寒食年年此踏青

白桃花

素心蘭室詩鈔

卷一

十四

花影溟濛雪影飄東風瘦削楚宮腰仙歸台洞紅妝卸
春盡瑤池粉態消懶性欲眠如柳弱香魂無恙共梅招
何時人面重相映分付蛾眉要白描

山邊老屋水邊樓攬轡誰曾繫紫駟對月客來吟露井
尋春人訝在羅浮去年崔護仍紅靨前度劉郎已白頭
將買胭脂寫顏色入時無計只承羞

夕陽扶杖過芳溪疏雨微雲入望迷縞袂仙來叢竹外
素妝人立畫橋西霧籠瑤朵凝珠重風動瓊枝委佩低
何事凡根爭絢爛無言下盡已成蹊

自矜身分向春城萬紫千紅一笑輕幾樹成陰垂鬢畫
有時照水寫空明疏籬短短如含笑微雨依依又弄晴

試向公門論手植居然清白證平生

九月十五日夜詠階下林竹

一片修篁手自栽碧雲如畫印蒼苔子猷去後無人識
今夜銀蟾忽照來

年年此地賦秋聲屑屑騷騷若有情爲怕愁多聽未得
窗前時作玉龍鳴

秋柳

憔悴西風向曉驚蕭蕭溪柳若爲情眠時弱影扶難起
舞處纖腰折未成春燕已歸如昨夢秋蟬重抱或來生
青青記得從前色搖落誰爲唱渭城

頻年相伴向征途歷歷巢痕記得無萬里風沙依北直

素心蘭室詩鈔

卷一

五

六橋煙雨對西湖腰弓漸覺衰容出根斷翻憑怪石扶
惟有夕陽無限好又移疏影印平蕪

煙中體態畫中身腕地長條尙拂塵青眼相逢惟改歲
白頭先自惱傷春陶潛故宅誰凝睇張緒當年獨愴神
我是章臺舊游侶攀條淒絕再來人

神君染汁是耶非遊客何時始換衣少小姿容原濯濯
暮齡情緒更依依疏林落月烏初起清影涵江雁正飛
遺恨年年散風絮可能衣被到寒微

曉發嘉興

雨絲風片碧波澄水鏡平開碎簇菱擁被推蓬人未醒
夢隨柔櫓過嘉興

迢遞孤帆客棹遲，綠雲垂岸柳絲愁。
心一縷如煙重，況是鴛湖帶雨時。

初到西湖得詩四絕句

不種芙蓉便種桑，一畦桑柘一蓮塘。
綠雲如畫紅如海，倒入平湖薰鏡光。

白祠行過又蘇祠，萬綠成陰浸一池。
別後西湖誰付與，夕陽勞我苦吟詩。

浮生無定此飄蓬，自倚西泠理釣筒。
欲訪逋仙杳何處，六橋楊柳一船風。

孤山山路似曾經，舊址空留放鶴亭。
俯瞰湖光平視嶺，對山濃染兩眉青。

素心蘭室詩鈔

卷一

六

鳳林寺方竹

萬个成陰綠漏天，日長來此便安禪。
虛心也自留圭角，不似凡材一味圓。

西湖十景

蘇隄春曉

迢遞蘇公隄，行行復且止。
煙柳雨餘深翠鞞，扶不起曉來宿靄消遠望。
橋齒微風湖上來，吹縐一湖水。

平湖秋月

中天懸皓月，照到湖上來。
湖水平似鏡，激灩菱光開。
銀河隔咫尺，鐵笛人間催。
嫦娥雖有意，今夜空徘徊。

斷橋殘雪

古來段家橋諧聲今作斷我來五月晴不見雪花亂萬
山圍似屋列嶂敞如幔何時踏雪來屐齒沒一半

雷峯夕照

昔遊雷風寺今到雷峯塔夕照煥玲瓏山山環沓匝凌
霄撐九層上與嵐光合林巒彩翠明活色不可搦

曲院風荷

西湖三萬頃繞湖種荷花曲院三萬柄壓闌西日斜微
風一以起一花一葉遮權歌好歸去前溪疑若耶

花港觀魚

我本煙波徒學釣作生計今來花港觀萬艇疊鱗次網
得卅六鱗腹書問誰寄曉雨一竿垂坐老英雄志

素心蘭室詩鈔

卷一

七

南屏晚鐘

南屏山下路傍晚聽疏鐘鐘聲百單入迢迢林霧中湖
月欲墮水鏗鯨搖半空暝色隔不住飛來東澗東

柳浪聞鶯

浮生如轉蓬又到西湖住湖柳不依人湖鶯自得趣幾
點逐流水絮霏不知處聲聲細雨中望斷湖邊樹

三潭印月

湖心一明月瀉影落三潭印作三月影天碧無浮嵐是
誰鼓瑤瑟青鸞翔左驂會教散萬影清光湖裏涵

雙峯插雲

巍巍插雙峯尖碧雲裏出孤標世罕儔頗類文人筆我

持雙管來欲賦西湖日及爾鬪峻增雁字寫一一

湖心亭遣興

湖心亭上閣吟尊煙雨湖光淺淡痕雨散雲收橋柳出
夕陽紅過阮公墩

卍字窗櫺百扇開湖山飛翠落銀杯澹雲垞上雷峯塔
醉把漁竿立看來

自內湖歸湖心亭船上見月卽事有作

乍別花神廟來歸湖上亭中流上新月涼意浸疏星葛
嶺漸欲沒蘭橈殊未停鐘聲徐度水前面是南屏

葛仙祠

古寺隱山麓時聞幽磬聲飛流緣石下高樹貼崖平井

素心蘭室詩鈔

卷一

六

涸丹鑪冷燈燃佛火明仙人如可見吾欲問長生

岳少保墓

棲霞嶺上多悲風白楊蕭瑟愁無窮青山纍纍瘞白骨
遂令亙古懷精忠憶昔康王南渡日二三豪俊乘時出
觥觥韓岳與張劉誓雪國仇張宋室撼山難撼岳家軍
計定後戰謀難紛鄆城潁昌朱仙鎮盡掃敵壘如殘雲
兩河豪傑皆響應直抵黃龍將策勳將軍破敵緣何事
一朝十二金牌至由來宰相善和戎何惜中原四鎮地
匆匆奉詔遽班師拔劍斫地長銜悲百姓遮留載路哭
兩河無復漢官儀若不殺飛和不就長城自壞誰能救
沈寃三字風波亭從此二宮永北狩人言通敵私主和

功敗垂成吞恨多，豈知睿聖挾私意。鄭申衛武原同科，有明景泰實守國。天順復辟將如何，人必先離讒後間。區區賊檜何能患，保身明哲在知幾。湖上騎驢自遊晏，朝朝詔諭到江南。稱姪稱臣辱可堪，和局古今同一槍。納縉割地將毋慙，我到西湖思弔古。堂堂萬乘甘臣虜，忠武墳前一駐驂。白馬潮來有同怒，經年塵土滿征衣。低拜王墳憶舊詩，俯仰千秋精爽在。雲車風馬識靈旗。

林處士墓

大雅久不作，亂峯環古墳。梅花三百樹，縹緲挹清芬。人拾孤山月，我撻孤山雲。惟有緱嶺鶴，與此堪爲羣。

西湖雜詩

素心蘭室詩鈔

卷一

九

一重楊柳一重煙，十頃荷花作水田。買得舴舺撐向裏，打頭風緊又吹棉。

花港觀魚聚艇多，釣鉤不上奈魚何。灘邊醉臥無人喚，拋下船頭一領蓑。

五月蘇隄尙聽鶯，煙波一棹過前汀。試從竹素園中去，扇子亭開又晚晴。

遊藝中原四十春，瓣香低首拜湖神。停橈試洗囊中筆，要使文章不受塵。

西湖曲

昔聞湖山佳，今到湖山曲。山山石壁翻倒浸，一湖綠坐我柳邊樓。一觴欣自足，山色湖光盪一簾。澹妝濃抹瑩。

如玉湖柳陰湖水深放船直到湖之心
中流容與彈鳴琴或有湖神來賞音
賞音不可見峯巒迎面面十二橋邊
不見人山黛顰眉柳垂綫湖山高以
奇湖水深以漪停撓莫折楊柳枝中
有湖神紅繫絲許我花神作侍兒
醉中揮手何遲遲冷泠自奏求凰詞
莫學柳花撩亂東西南北各分離

將自杭州歸重遊湖上復得詩四首

湧金門外雨濛濛漠漠湖山短短蓬
別有畫工描不出藕花風與釣絲風

落魄西湖中酒時畫船如畫柳絲絲
叩舷呼嘯無人見驚起蘇隄兩畫眉

素心蘭室詩鈔

卷一

三

南高峯對北高峯愁聽南屏晚寺鐘
遙指斷橋橋斷處有人煙雨獨扶筇

來來去去浹辰餘行篋猶存半部書
一事留人歸未忍裏湖新放白芙蓉

落葉

徙倚回廊惱寂寥無邊木葉下蕭蕭
飄零豈必因風雨搖落何堪儘暮朝
殘綠亂堆深淺徑輕黃碎踏短長橋
浮生我亦無根蒂痛飲郵亭又一瓢

連朝浙瀝復颼颼酸楚聲偏共耳謀
日暮客停孤嶼棹月明人倚近山樓
挑燈密聽林間響縛帚空憐爨下收
莫怨嚴霜太殘酷澗松豪氣自橫秋

西風黃落此番經萬景蕭騷倏變形疏雨打窗淒獨枕
斜陽漏影入空亭樹圍檻外千枝秃山露牆頭一角青
堆砌漸深來客少倚闌癡立共誰聽

何論落後與爭先一樣蕭條只自憐繫馬黃迷沽酒路
賣鱸紅襯落霞天摧殘病態兼愁態漂泊山邊復水邊
同是世間淪陷事對渠無語又今年

海棠

借得春陰幾日看更無人處倚闌干恨煙睡醒紗窗冷
愁絕東風怕曉寒

宿雲巖小飲卽事感賦

小集雲巖共舉杯紫葵和露浥新醅夜深不許窗櫺閉
素心蘭室詩鈔 卷一

三

生怕仙人跨鶴回

對月行行興亦佳每從高處望懸崖菖蒲可採巖難上
商略明朝買草鞋

題秦檝之畫冊

東塢朝暾

隔浦上朝暾迢迢孤塢兀微煙暖遠林伊軋櫓聲發
茶禪夕照

茶禪斂夕霏山翠色深淺一角斜陽明翦取入詩卷

南湖煙雨

一帆煙雨來小泊煙雨處煙深不見人直過雨邊去

漢塘春桑

春曉漢塘路盈盈低綠枝采桑人在否風雨四迷離

杉間風帆

客帆湖上遲點點似歸鳥戰風微有聲杉間天初曉

韭溪明月

韭溪好池館明月板橋東柳下欲垂釣銀光浸短篷

禾墩秋稼

萬畝捲黃雲渺渺農歌起腰鎌知幾人箕踞坐樹底

瓶山積雪

瓶山寸寸銀山嶙一茅屋大雪不開門擁被獨自宿

五人墓

明季闔宦勢薰天破巢之下無卵全蘇州吏部最骨硬

素心蘭室詩鈔

卷一

三

緹騎四出相株連吳兒慷慨識大義奮袖揚徽攘老拳
奮擊校尉若竄鼠大剛浩氣摩星躔當事儉囊心膽儼
飛章入告驚奸權貫械五人置牢戶死正首邱埋一阡
斯民直道耿不滅上衝霄宇下重淵虎邱之左草芊芊
歸然豐碑繚雲煙魚龍曼衍瘦蛟舞似斗大字相磨鐫
行人題詠滿斷壁字香隱約苔紋鮮我性骯髒共汝等
杯酒淋漓澆墓前東林氣節動市井異香易世懷蘭茝
市兒老死若腐草惟有五人名尚傳猩紅一色墓木豔
落日滿林啼杜鵑

舟中望寒山寺

烏啼月落對愁眠夜泊楓橋句似仙而今又到寒山寺

十里平林散曉煙

小阜疏叢見粉牆梵王宮殿鎖朝陽前生與佛曾相識
艤棹思焚一瓣香

一波迢遞接蘇城籠霧絲絲柳綫平搖蕩燈船諸籟息
待從何處聽鐘聲

蘇臺晚步

斟酌橋邊日正遲天涯來此獨題詩螺旋犖苒苒苔路
楊柳陰中露酒旗

登北寺塔

昔聞北寺塔建自孫吳時今到北寺塔形勢何嶽寄排
空矗九級緩步殊逶迤直上躋絕頂俯視羣山卑蘇城

素心蘭室詩鈔

卷二

三

如綫走虎旱粒粟噓獅山及牛嶺位置同弈棋天風吹
衣裳鼓盪彌淒其我來縱遊目千里聚於斯燈船混漁
舍金碧紛參差人家疊鱗次雜沓排之而白日入村沒
迴光紅水涓閭門萬條柳經霜餘幾絲望望眞孃墓蕪
沒荆榛披攜來兒女情未忘豪宕思成佛後靈運苑枯
非所知前因與後果頓起窮愁悲諸佛視我笑形神如
顧癡我立默不語仰觀天四垂舉手披浮雲冉冉隨日
馳人生若飛鳥翔止將安之於今秋九月吳門遊未疲
不知歲既寒蓬飄奚所羈骨瘦怯衣單棧棧松鶴姿危
窗八面敞狂飈來相欺緣梯厯厯下欲去仍遲遲倘更
有百級盡覽無還期

短簿祠
捨宅風流事可師
我來懷古自題詩
歸鴉數點橫何處
落日寒林短簿祠

生公講臺

生公不說法
講臺有遺址
我來面壁參
葉葉西風起
月出劍池邊
此是未發旨

頑石

一卷涅槃經
聚石作傾聽
如何頑鈍根
首肯若相應
乃知微妙心
萬物皆可證

千人坐

月在天中印
水心蕭蕭霜
籜已辭林
千人石上垂
頭睡素心
蘭室詩鈔

卷二

五

參到禪機爾許深

宿天成港

孤舟微雨裏
獨夜異鄉人
歲月雙蓬鬢
江湖一病身
無才知漸老
失計豈辭貧
寂寂天成港
杯殘又嚮晨

于少保墓

胡沙萬里彌
天黑片雲壓
壘昏於墨
大明天子竟
蒙塵明社將
墟不血食
講臣占象議
南遷諸公袞
袞如寒蟬
根本一動
大事去勢在
呼吸難俄延
社稷爲重君
爲次樞臣有
死誠無二能
戰能守始能
和力折羣言
持此義風雷
叱咤十圍營
虜騎夜遁
肅京城總持
內外贊魁柄
國是累卵如
承平賴社稷
靈有君矣虜
執一人何重
輕

楊善來迎上返駕野狐羅拜相悲咤誰秉樞衡勝算操
此功不在從亡下奪門復辟事匆匆宵人行險幸居功
東市街窵天日黯遂令烏盡悲藏弓我持戈帛拜公墳
豐碑百尺霾陰雲思功悼枉亦徒爾撫髀安得起忠魂
功人今古類如此淮陰釣臺水瀾瀾棲霞嶺上岳王墳
風木夕陽捲波起藍黨誅盡胡黨誅開國勛勛無遺餘
江陵削奪復籍沒有明家法空嗟吁士立功名思不朽
大功旣立烹功狗智士尋思怕立功時艱難付庸人手
懷愍青衣執蓋行徽欽齋恨五國城華夷世局率若是
幾見生入羣臣迎伐樹易儲斃旣啟從此閱牆在同體
劫遷西內子且然何況猜疑在兄弟柄臣處此無術全
素心蘭室詩鈔

卷一

五

煙波惟學鷓夷子三台嶺下路幽陰怪鳥鉤駟聲滿林
竭股肱力繼以死直教志士灰雄心試將杯酒澆坏土
此恨茫茫永千古墓道無人木百章階鬪麝颺穴狐鼠
壑雷亭

冷泉亭下泉成堆浪花噴雪聲喧行人膽裂不敢過
疑是白晝轟天雷我生愛在泉邊住飛瀑百尺胸懷開
到此橋舌不得下峯勢直欲掀飛來眾流羣趨匯大壑
奔馬直下旋濼洞萬佛山前喬木聳枝葉簸動根爲摧
呼援洞口斯須立天鼓震疊如傾頽昔年浮海幾往返
天水壁立誠奇哉又嘗夜宿焦山寺大江撼牀風力催
未若此處更殊特目眩耳聾驚幾回不知天公多少才

造此勝境名山隈千盤萬轉勢一束盪沈澗石無餘苔
興雲降雨出山事徧灑天下無塵埃登高試上韜光望
俯視一綫光皚皚旬旬傾聽日繞繞天車疑是阿香推
孤亭四面一客坐七箸欲失形神灰若教一氣赴江海
霹靂會須威九垓

西湖十別詩

程鄉宋芷灣住惠州小西湖有湖上五別詩壬
辰十月旅寓武林湖心亭風晨月夕雨後遙望
雷峯諸塔若滅若沒時泛小船訪山水深幽處
一花一柳依依向人及歸不能爲懷竊廣其意
爲西湖十別詩陶寫中情工拙在不計已

素心蘭室詩鈔

卷二

五

別湖花

傍湖雜蒔花種種有新色微風潛扇和矜喜若自得我
來花不迎我去花不憶花我兩無言欲別心轉惻

別湖柳

沿隄種垂柳迎風散萬絲停橈柳陰下依依生別離况
當別離日莫知重到時寄言九烈君寤寐長相思

別湖山

湖山高以奇南北峯相對芒鞋策短藤足踏雲根碎有
時立斜日瀉影落山背未盡邱壑美歸去能無悔

別湖水

出盪水一槩入飲水一瓢湖水明絕底微風縐碧綃我

性與爾愜鑿形神理超去去復何言盟心期久要

別湖風

半月西湖住好風時一來如有故人意陶然拈酒杯今夕知何夕軒窗緣爾開明朝挂帆席與爾相追陪

別湖雨

湖上有四景雨湖此其勝山色共湖光空濛搖不定遙指葛仙祠冷然一聲磬只今歸去來舊雨何時證

別湖亭

湖亭擅佳勝浹辰亭裏宿亭柳影入水倒浸一湖綠我意倦欲歸我歸愁不復鷓鴣勸我遲杜宇勸我速

別湖船

素心蘭室詩鈔

卷一

三

夜宿湖邊寺日盪湖邊船湖船小於葉盪漾湖中天送我此歸去迴看思渺然惟聞欸乃聲渺入湖心煙

別湖塔

塔勢落天外塔影搖水中七層突兀起直上如長虹蜿蜒入雲去孤高予汝同此地一爲別遊蹤成轉蓬

別湖月

何地無明月清光湖上多徘徊六橋上弄影如汝何呼月伴我去盈盈無語過珠江亦有月不及湖中波

素心蘭室詩鈔卷之二

黃弔陸應暄石孫

曉起

曉起推篷坐孤舟一釣竿水流松影亂露溼草光寒雁
字遙天沒魚罾隔浦看挂帆何處泊平海渺漫漫

題某僧松竹芭蕉小像

讀罷楞嚴一卷經塵緣收拾聽濤聲迷離鹿夢何時覺
萬个修篁月正明

同是南能嫡派傳會心參到箇中禪三乘指點無人見
風在長松月在天

癸巳省試擬墨題後

素心蘭室詩鈔

卷二

一

風雨西窗一研田瓶花垂露滴珠圓等閒消受文章福
華髮飄蕭五十年

曾住吳門作酒徒青尊紅燭淚痕枯金閨斜日絲絲柳
寫入湘毫似得無

白燕

自憐一領好毛衣搖落天涯故故飛輕翦似愁風力軟
舞衫遙襯雪光微澄波掠影鷗應妬瘦質支寒鶴尙肥
莫怪新巢無占處朱門原共素心違

空梁泥落倩誰看斜受東風惜羽翰梅雨點衫襟欲颺
梨雲寫照影都寒舊時顏色烏衣換輕暖光陰縞袂單
惱我酒餘紅上頰夕陽相對且憑闌

金陵豔曲乍箋成自倚風流弄晚晴未便小家同碧玉
居然妙舞作飛瓊銜泥恐汚新毛潔顧影翻嫌皓雪明
曾向樓頭書粉額不堪重話故人情

雪衣孃可是前身綦縞家風不厭貧冰玉琢成添嫵媚
鉛華洗盡見丰神幾時青鳥重通使或有黃鶯許結鄰
孤潔莫愁招物妒眼前清淨認來因

小住尋常百姓家翩翩丰致玉無瑕新妝淡素羞紅袖
欸語呢喃隔碧紗輕情風懷閒撲蝶飄零身世獨憐花
杏林消息何須計歸伴羅浮萼綠華

如此清癯未易描頻年春社逐蓬飄雲油鬢影嫌鴉膩
風定簾波學鷺翹薄粉淺揩平叔靨淡黃輕搦小蠻腰
素心蘭室詩鈔

卷二

二

松江剩有遺庵在野草荒涼怨寂寥

雙栖無夢到雕梁新寡姮娥換素裳故壘夜涼衫浸月
歸程秋盡鬢驚霜傳來清白緇難染捎到殘紅爪亦香
惆悵下簾常待汝銀鐙虛幌又昏黃

何須漢殿與梁園飄泊江南又一村素靨偶然迎客舍
白衣從不託侯門珠簾斜睇風搖影華屋交飛月有痕
莫炫南朝好金粉入時體態總難論

自題麥草扇

漠漠清風大野涼閒來摘得數莖香蔥纖織就團團月
要向炎天散熱場

鬪角鉤心妙製工輕羅隱隱似紗籠鬚眉老去風情減

可有人家畫放翁

聞警書憤

無計安天下長吁一欠伸艱難家國業泄沓廟堂人世
事紛於蟻頭毛白似銀惟應一尊酒相對六橋春
十萬橫磨劍堂堂歲月虛青衫彈客淚紅燭讀兵書專
閩仍師相奇謀自左車無才漸衰老叱咤竟何如

遼海邊氛急夷門俠氣豪軍鋒誰衛霍相業幾蕭曹南
北邦交苦縱橫舌戰勞何當風雨夜偷看赫連刀
極目中原裏吾生安所之身名成畫餅軍國付圍棋頌
德劉伶酒憂時杜老詩蒼茫百端集此意幾人知

春柳

素心蘭室詩鈔

卷三

三

靈和殿裏想丰姿如此風流見亦希裊裊樓臺青拂面
陰陰門巷綠低楣眠來曲檻扶芳影攀到長條似舊時
我是春明前度客年年看慣萬千絲

新染鵝黃畫未工依依生向板橋東修眉巧肖娟娟月
偏面寒消淡淡風枝弱似隨人意嬾睇新偏襯曉暎烘
章臺若問重來色領取春光又不同
可兒夫婿可憐宵相對青青意亦消惜別客曾來去住
銷魂天賦眼眉腰頻年走馬迷香夢幾日聽鷓繫畫橈
最是癡愁難遣處行人過盡短長橋

愁煙愁雨又愁晴萬縷離懷問曉鶯南國欲歸縈夢影
東風無語過清明柔荑入握纖纖手新綠成陰渺渺程

聞道揚州城郭好春深勞汝拂行旌

後柳花曲

曉旭初晴鏡檻開珠零玉碎點粧臺湘簾半下還重卷
會看春風送汝來

入簾隨處報春深燕掠鶯啼又夕陰飛過隔牆儂不妒
比鄰一樣愛花心

霏霏漠漠暗和春散盡天花不著身一自掃眉才子去
夕陽庭院更無人

委地無絲復上枝枝頭無計繫分離天涯我亦同漂泊
珍重風前跌宕時

海雲堂夜坐

素心蘭室詩鈔

卷三

四

暮鼓法堂寂悠然新月生樹陰團暝色石瀨瀉江聲古
篆釋周鼎殘幢摩道經一燈熒四座夜氣本來清

焦山觀瘞鶴銘作歌

焦山山麓有殘碑天遣神龍守護之浪淘沙擁不可滅
銀鉤鐵畫形模奇文字風流誇瘞鶴序語銘詞半剝落
書人聚訟久紛紛疑是當年右軍作或曰顧況豈爲真
言皮日休亦測度或讀碑旁王讚詩字迹相符猜約略
或證仙人館壇碑云隱居書誇確鑿一墜江頭亂石間
匠工摹拓良爲艱天寒水落見數字席葉仰搨勞師般
解人窮力得數紙六十九字紛爛編重摹五本並參錯
沿訛踵謬宜全刪蘇州太守京江客金石名家文章伯

募工沈流引巨絙雲轟濤飛出五石定慧寺旁亭翼然
殘璋湊合如銜錢裂紋襞積蘚花紫古腥若帶蛟龍涎
合全與半九十字虹霓吐燄騰江天我來訪古到茲麓
零星翠墨文能讀水痕殘泐半模糊誤會翻疑鋒鍛禿
精工響揚墨重磨風雪摧殘奈爾何放翁去後今我到
吾宗好古從來多筆底飄飄挾仙氣隸楷相參饒雋味
坐看三日已忘疲領取斯銘神理未

金山寺次陶文毅韻

停船一過金山寺楚尾吳頭望渺然萬里長江歸眼底
四愁心事逼中年孤帆遠影雲邊雁密樹餘清雨後天
我是風塵倦遊客要從初地借牀眠

素心蘭室詩鈔

卷三

五

湖山漂泊悵何依憑眺高臺落日微杳杳鐘聲穿樹出
蕭蕭木葉挾帆飛江天盡處林如薺塵鞅歸時垢滿衣
欲向德雲問身世捫蘿誰叩石巖扉

北固山望江

京口三山若鼎足山山聳翠皆浮玉北固峻嶒據上流
俯瞰長江一帶東禰衡傲刺借紅船泊舟登岸凌其巔
甘露寺前一舒眺但見江水浮長天我來五月方酷暑
漂泊天涯無定處到此塵憂一豁空豈有夢魂尙須煮
金焦兩點螺丸青鐵甕城高雲杳冥吳楚千帆雜還出
葉葉戰風微有聲前頭隱隱接瓜步粟點星星渡旁渡
天邊盡處是揚州唯見斜陽下煙樹天下第一誇江山

揅筇獨立蒼茫間，銀光掩映，澄練直處一灣。曲一灣
天地大文放，必東海門陡絕如巖關。年年波浪兼天湧，
中流滄淼，雪花擁天公設險，限南北鼇窟掀翻勢洶洶。
萬里岷峨指顧中，荆門郢樹浮煙空。三湘九疑半離合，
置身真欲超鴻濛。何人渡此思擊楫，石帆山風晚獵獵。
中原誰與定澄清，一任烏夷肆要挾。韓王戰壘今荒蕪，
怪石槎枒風浪麤。今古禦戎無上策，鐵鑊天塹非良圖。
只今世局何由返，目擊江流日晼晚。山東長江江撼山，
盡日滔滔去不反。難伸赤手挽天河，東去茫茫吞恨多。
多景樓頭一迴首，銅琶豪唱將如何。世事浮沈蒼狗幻，
狂瀾既倒曾何患。臨江醜酒賦新詩，落日遙天一行雁。
素心蘭室詩鈔

卷一

六

拂拭硯石磨青萍，私將心事告山靈。江流莫作嗚咽響，
儘教斷水層長鯨。

揚子橋

又過揚州第一橋，布帆無恙趁風潮。人家遠近炊煙起，
點綴村光讓柳條。
瓜州不隔幾多程，回首煙波暮靄橫。如此畫圖誰寫出，
斜陽一雁過江明。

揚州絕句

東風吹我過維揚，暮暮朝朝數作涼。一領吳棉拋未得，
端陽時節似重陽。
小金山勝大金山，萬縷垂楊夕照殷。攜得吳娃浮小艇，

置身疑在畫圖間

歐公祠畔醉提壺第五泉邊路識無重向平山堂下過
畫橋楊柳似西湖

九日維揚十日遊輕帆如葉古邗溝鄉心觸我無聊賴
荔子紅時月上樓

謝太傅祠

雙檜鬱蒼翠祠堂俎豆崇時艱支半壁物望繫江東破
賊兒曹事圍棋宰相風故居遺像在諸葛比英雄

史閣部祠

寥落邗江路荒祠傍水潏督師陳表意守死渡河心風
節樹千古梅花寒一林二分明月在炯炯照孤忱

素心蘭室詩鈔

卷二

七

蜀岡道中

纔過平山山盡平萬松深處一輿行綠雲如海還如畫
知道雷塘隔幾程

螢苑銷沈辨不真驕陽如火汗沾巾茶亭借得停車坐
趙盾天邊太逼人

酬陳庚白次韻

客路無知己屠沽亦輩儕才名天欲抗疎放俗難諧世
局尙未已吾生安有涯撫時惟一慟初念覺全乖
去歲甫言別征途今又逢交情三代洽浪迹兩人同志
事雞鐙裏功名牛磨中一杯聊話舊嗜酒亦英雄

憂國杜工部哀時庾子山悲歌常當泣久客不思還薄

素心蘭

醉雄心動中原生計艱陽春難與和才盡惜秋顏
空谷有佳人天生好顏色不傳紅燕支超然冠香國天
風吹珮環盈盈若自得不遇採蘭人幽棲在叢棘
縞素有眞色自全王者香曉露散芳氣幽馨生晚涼人
世苦炎酷此間天已霜瑤琴思一撫珍重褰羅裳
擬王右丞雲溪雜題五首次韻

烏鳴磡

古磡無人至山深萬木空惟聞數聲烏斷續隔溪中

蓮花塢

采蓮泛洲渚朝來常暮歸莫濺芙蓉水餘泥汗我衣

素心蘭室詩鈔

卷二

八

鷓鴣堰

鷓鴣去又來每向清波颺銜得白魚還啄向平隄上

上平田

朝衣不肯著躬耕上平田不到明農日焉知學稼賢

萍池

一棹煙波晚扁舟向浦迴人生有聚散看取綠萍開

擬韋蘇州初發揚子寄元大校書

游子賦長征大江起煙霧挂帆何所之指點京江樹我
心如江流一過不復遇江流上下翻云何是應住

擬韋蘇州西澗卽事示盧陟

隨意住西澗山居無世情長松依舊老春草自然生此

境非禪悅有時聞鳥聲與君塵慮澹可以謝簪纓

擬王少伯同從弟銷南齋翫月憶山陰崔少府

南齋向晚開孤月出林表清池水不波危石倚煙篠離
懷盪胸生天際指飛鳥素心人未來江上音塵杳鳴琴
無賞音露坐忽星曉

擬王少伯宿裴氏山莊

吾生似飛鳥日暮倦投林窗對樹間暗泉流階下深空
庭坐涼月過雨一蟬吟暫息勞人轍悠然生道心

從軍行

不滅匈奴誓不休直將國恥作私讐邊人怕未知名姓
自跨飛黃著錦裘

素心蘭室詩鈔

卷二

九

天山明月浸征袍南斗參橫北斗高聞道前軍新破敵
夜寒頻淬赫連刀

春雪窮邊沒馬蹏銀光一片玉門西酒酣記得鄉園裏
三泖湖邊萬柳梯

祁連山上漢家旗十萬貔貅夜戰時明日鏡歌喧奏凱
金刀紅帶血絲絲

題畫竹

倚遍闌干傍遍籬何論黛色與霜皮斜斜整整千竿玉
知是風枝是雨枝

昔年曾見鳳林竹直節虚心體更方爭似圓通能入俗
涼颺過處憂琳瑯

修篁深處杖藜行拾葉煎茶卻有情非畏炎歊圖避暑
多緣林下有秋聲

經旬積雨未曾休榭葉紛飛滿一樓畢竟琅玕風力好
任他顛簸只垂頭

鐙

彈指迴廊又夕陰枯鐙燃向畫堂深十年伴慣書生讀
一點燒殘壯士心天末樓臺搖遠影窗前風雨對孤吟
餘光我亦頻分得檢點遺編自拂蟬

戊子遊峽山得詩十九首因病得閑一題續賦一

絕句

蒼雪厓

素心蘭室詩鈔

卷二

十

飛流如雪萬峯巔謾謾林風落九天如我名心中尙熱
要來松下抱琴眠

二禺祠

白雲深處木參差峭壁蒼藤挂斷枝一角斜陽閃金碧
瓣香先拜二禺祠

清音樓

午涼三尺臥桃笙萬壑千厓一片清畢竟在山泉水好
涓涓羞作不平鳴

淙碧軒

百道風泉東此間憑闌敷坐聽潺湲一灣吹縞鄰鄰綠
映到南禺第幾山

仙源

芝草琅玕映洞門，山山盡處得仙源。
水簾千尺扶藜立，髣髴雲林畫裏村。

流香橋

行行經到第三橋，過雨殘虹臥一條。
如此芳馨誰拾得，流泉聲裏石嶢嶢。

阮俞選

碧雲如水夜迢迢，峭壁千尋路一條。
七十二峯人不到，修篁明月聽吹簫。

和光洞

逢人一味是和光，問道求仙此秘方。
我到洞門還躑躅，素心蘭室詩鈔。

卷二

十一

天生傲骨太昂藏。

半山亭

橫空飛架半山亭，樹色嵐光滿壁青。
泉道卻行亭子上，四檐灑雪響泠泠。

古飛來

梵殿巍巍倚翠微，漂搖眞欲挾帆飛。
空王別有無邊法，飛寺何因不再歸。

歸後洞

玉環留取認前因，一笑翩然遂返眞。
我問夙根杳何處，青山屹屹石嶙嶙。

雲臺峯

高臺窄峒矗斜曛山脊中開兩峽分去到人間作霖雨
出山原只在山雲

金芝巖

仙巖聞道產金芝露蕊煙苔剩幾枝不信世人尋未得
累儂辛苦覓多時

丹井

當年此地說燒丹丹井而今已漸乾留得飛昇眞訣在
玉笙吹月萬峯寒

黃金磧

如來欲度世人貪堆磧黃金俯拾堪爲語眾生欲求富
蕪香先向佛和南

素心蘭室詩鈔

卷二

三

縹幡嶺

風幡微旨問南宗瞪目南禺一笑逢風動縹幡疑一展
萬松吹送隔江鐘

拜經臺

西峯絕處有高臺卓午層雲積未開到此不須庚子日
有人泥首拜經來

鐘樓岡

古木森森百尺峯片帆來聽夕陽鐘山中水底遙相應
惆悵溪雲隔一重

百花洲

一珠一滴澗泉清細草濛濛倚石生聞是百花深邃處

露香多半不知名

友人惠荔枝漫作一首

炎洲有珍果稟精昭火離蕪沒大庾外香味無人知長
夏五六月紅雲滿山坡日啖三百顆垂檐猶朵頤今歲
實少熟園丁收果稀十樹不一穫落落晨星微忽聞剝
啄聲柴門喧叩扉一肩挑兩筐笑口頻嚙嘻啟篋卻失
喜輕紅猶曩時入手緩緩攀褪襦呈玉肌仙液冷潑齒
瓊漿寒沁脾頻年事遠遊攀殘盧橘枝盈盈十八娘別
來無見期今朝忽拜嘉大嚼甘如飴如逢卯角交如見
舊題詩貨賄不爲禮此物良足怡野人遺黃柑厚意疑
相師賦詩義取樸安用多文辭

素心蘭室詩鈔

卷二

三

半塘

小艇半塘路溪痕長一篙黏天煙樹遠過雨晚潮高風
葉翻荷肯霜華上鬢毛荔灣知不遠短棹肯辭勞

掃落葉

秋風昨夜生瑟瑟打庭戶如聞嗚咽聲似訴飄蕩苦曉
起自開門敗葉不可數深黃復淺紅拉雜堆廊廡殷勤
事掃除奉帚行踽踽如被魔障清心境得淨土蕭蕭風
又來打頭亂如雨

春時掃落花滿地殘紅香秋來掃落葉老態悲蒼涼擁
簞立砌下唧唧聞啼螿奮彼三尺帚勞勞手自將但供
爨下用安分榆柳樟菀枯有定命踐踏庸何傷

梅花

雪霜一何酷萬彙紛斂息棱棱姑射仙不畏雪霜逼未
葉發青枝翹秀在叢棘盈盈三兩花冰玉去雕飾寒
威紛來侵支拒有必力未到歲寒時焉見好顏色

芙蓉出清水凌波無幾時菊有傲霜節未久旋離披梅
花抱仙骨籬落橫虬枝或俯又或仰跌宕彌嶽寄有時
幻變相傳粉塗胭脂文章極瑰麗真意多於詞不逢林
處士安知風格奇

我從孤山來若與孤山友巢居三百樹一一領略久非
慕仙人名性稟略相偶槎枒攬高枝潔白識素守無風
香自遠浮動夕照後寄語尋春人於此見稟受

素心蘭室詩鈔

卷二

十四

朗吟梅花詩略識梅花性天寒韻更高容端影自正羞
爭桃李容白地乃明淨蛾眉肆謠詠守寂心不競譬如
士君子不容亦何病所以素心人居易以俟命

先開固所欣後開不爲辱年年庾嶺上幽隱託高躅有
時寫斜月一放又一束天風時一來滿地皆碎玉無人
結遐賞臥雪在山曲牡丹富貴花對此終嫌俗

海鶴橫姿態松柏鍊精神冰心數點發遂回天下春非
時不自炫栖巖非所嘖兀傲得外相中堅留本真清泉
白石邊與君相結鄰

題唐段成式劍俠傳十二首

老人化猿

白猿化老人不及趙處女區區擊刺間劍術妙如許此
理不得說白雲飄然舉求賢持此心蘇臺合一炬

車中女子

邂逅卽訂交酒食相徵逐壁行矜小技假騎遭大獄寄
語于京人此意可三復我六遊長安惴惴如臨谷屏謝
世途交閉戶一卷讀

僧俠

落落窮山僧爲盜復有子舉世浮屠中淵藪類如此吁
嗟行路難技擊烏可已

京西店老人

韋生恃弓矢縱言若率性風雷挾電奔繞樹卻乞命聖
素心蘭室詩鈔 卷二 十五
賢戒驕矜蠻貊重篤敬老人庸何知易地可對鏡

蘭陵老人

君子平其政行路可辟人何物蘭陵老植立悍弗遵鄙
哉京兆尹謝過思保身斷鬚落寸餘劍鋒吁已神豈知
官法在鼠輩何足論死生有定命浩氣原常伸理在可
御氣風骨斯嶙嶙不見王晉公宵人甘伏馴衣冠正瞻
視吠犬奚猜猜

盧生

世傳點金術喋喋欺羣愚此說果一行天下無餓夫盧
生大解事徧索窮江湖三寸奮匕首摧剛如拉枯懼死
乃獻術一笑爲胡盧人世重黃白取之盡錙銖篡取及

兄弟何況朋友徒安得百盧生大聲爲疾呼何不直撲
殺此獠月明市上提頭顱

聶隱娘

龍爲靈昭昭入雲不知處咄哉聶隱娘何從問來去倏
忽隱見間乍遲又疑遽一尋山水訪至人雙衛無復來
紅塵步虛已去鶴不返負我當年磨鏡身

荆十三娘

大盜隱於朝大俠隱於商江湖事轉徙乃有十三娘邂逅
不平事慷慨身爲當仇讐及恩愛捆載收一囊我登
北固山大江水茫茫高蹤安可覓唯見南雁翔

田彭郎

素心蘭室詩鈔

卷二

六

彭郎偷枕來睥睨若無有折足望仙門乃墮小僕手有
長不自炫功成歸故鄉韓彭識此義菹醢何由傷我欲
往從之悠悠川路長試取琵琶彈一歌一斷腸

崑崙奴

世間兒女情乃在任俠手小玉與紅綃相反實相偶一
品卻選事截海思屠鯨攢矢驟如雨鴻飛已冥冥我有
素心人別離周歲星恨不化飛鳥秋空盤健翎人世有
磨勒負我過重溟願結刎頸交何止相忘形

賈人妻

陌路一相逢語洽卽夫婦生兒未斷乳忍令異身首所
生且自戕伉儷復何有飄忽去來蹤很辣操縱手由來

再嫁娘鵲突類相偶

虬鬚叟

用之言神仙炫惑思蠢蠢何物虬鬚叟序以矛攻盾條
忽齋金復返妻匆匆舟子催解維雲龍覓爪不復再魯
連高義誰能齊我來維揚覽遺迹千秋稻望空雲泥黨
惡威燄尙如此何況淮南節度使

鰲蝦謠

江漈海好鰲蝦短棹低篷三兩家網得鮫魚遠近譁欲
網鰲蝦網得魚阿妹烹魚中有書何如但網鰲蝦好提
籃便趁官山墟舊年鰲蝦紅今年鰲蝦黑船頭酒已空
撐傍新洲側莫說漁人生計窮雞鴨鵝兒無此豐蠕蠕
素心蘭室詩鈔卷二
七
釣是可憐蟲十萬生靈一箸中忍心我欲問村翁江漈
海晚潮風

市駿行

古今言相士動曰黃金臺只今黃金滿天下百尺高臺
安在哉古今言得士必曰市駿骨其馬已死骨不靈坐
使奇才老巖窟黃金妄費不知止奇士在前不知使紛
紛下駟高品題遂令驕驕氣結死忽聞神駿自天來風
雷蹴踏雲衢開昔年市骨博虛譽何不今日市龍媒區
區千金藉招致士爲金來士不異芻豆之外無所求搖
尾驕嘶爭獻媚不見青樓蕩子婦金盡牀頭先見棄渥
洼神駒不務名啗金污我非本情能服鹽車仰天嘯未

肯乞憐誇組纓一朝烽火龍堆起萬馬無聲皆帖耳請
看沙場汗血才當時可用黃金市

爆竹曲

隔巷人家燃爆竹響接通衢遠近屋忽然平地一聲雷
無奈回頭身化灰飄零破紙誰收拾掃共落花紅一堆
世間富貴亦如此舉家聲譽碎旬起驚天動地驕鄉里
匆匆再過盡成空當時勢燄光熊熊四方響應隆隆
燕麥兔葵悲故宮烈烈轟轟一笑中請將爆竹比獅吼
參到禪機三日聾

燈花曲

北風吹寒窗透紗窗下紅燈紛結花碎瓣密攢作喜字

素心蘭室詩鈔

卷二

六

連珠髣髴鬱林家銀蟾窺人簾櫳靜鐵馬無聲香篆永
重臺雙萼燦層層雁足冰凝冷孤影兒家夫婿住巫陽
鱗疊雲羅隔楚湘雙鴛枕粲不成夢雙鯉書來空斷腸
銅龍漏斷聲暗滴玉蟲燄短釵斜剔蔥纖十指救飛蛾
微蟲我亦關休戚燈花連藕藕連枝藁砧別來無見時
拋錢試卜燈花兆來歲春明歸有期

北風行

天半呼號如怒濤寒威栗烈北風高檐鐸爭鳴窗幔捲
矮屋孤坐小於舡羊裘蒙茸綫紋裂燈光閃爍花不結
蓬頭縮頸十指僵要向鶴巢問堯雪此時千山鳥飛絕
此時萬徑人蹤滅我擁敝裘猶不支何況貧家衾似鐵

隔鄰有女傷仳離日出拾柴宵乳兒捉衾見肘禪露足
可堪歲暮祁寒時癡兒富貴何須久猊爐狐白羊羔酒
北風發發飛狂沙豈知結鶉有窮叟嶺表風寒猶未極
襖負黃縣有驕色可憐大雪薊門東銀光直照天山北
古劍行
有客手持三尺劍土斑絢碧落紋豔花繡年年相濯磨
落日寒芒看激灑自言得自古冢中夜騰虎氣如長虹
篆紋蝌蚪半隱見恰似老朽牖下埋英雄一朝入手寒
威逼霾土千年鐵欲蝕知爲巨闕與漚虛一樣猩紅皴
血色腰向五陵常自誇九邊大地吹黃沙報國報警視
所遇倚天勢欲爭餘霞金星隱隱似成字寶光珍重醉
素心藺室詩鈔卷二
五

時視龍蛇鱗甲動霜風燈前點點壯夫淚壯夫垂淚空
爾爲凡物升沈安可知截鯨斬蛟終有時霹靂升天雷
奮遲勸君韜匣且自愛炫售怕使途人嗤鍊剛莫化繞
指柔拗折缺殘將不支

養鶴行

有鶴有鶴哺其雛皓羽翩躚不可汗月下盈盈偷照影
綽約疑是傾城姝問爾可自西湖來孤山當年仙降胎
欲比仙人問誰似飛瓊體態步瑤臺我生不願爲籠鳥
翱翔尙覺江湖小不能奮翮上九天警露惆悵星河曉
爾鶴與我將毋同鷄鷄羽毛猶未豐體孱質弱石比瘦
結想先在緱山中萬松深處雲巢靜矯矯修翎好以整

自離蓬閩向人間惟伴梅花相顧影顧影何常肯自憐
珊珊風骨已俱仙一飲一啄見真性青雲任爾凡禽先
生成傲骨本天賦表異卻遭紅鶴妒紅鶴可惡空爾爲
爾自潔清守其素

瘦石行

昔人言石縐瘦透不能縐透但得瘦一偏之長亦可稱
骨立槎枒誇挺秀頑石癡鈍全其天鐵石百鍊貞且堅
爾有真形獨瘦削拔地參天撐老拳我聞上古天柱折
女媧鍊石補其缺又聞織女日七襄支機之石燦雲章
爾旣補天無所用烏鵲橋邊應不重不如栖迹玉女峯
留與野仙作清供雲腴斲盡天骨呈七尺卓立看崢嶸

素心蘭室詩鈔

卷二

三

澗瑩露光花散彩錯落星文金動精棱棱獨立空山裏
如博士羊奮角起如梅之峻如竹清又如飢鷹側翅峙
乍如支祁攘半臂復如巨靈伸一指有時鱗甲隱隱見
霹靂一聲掣紫電高掌能支半壁天神力擔當斯可見
有時殤鬼嘯平林螢火青熒秋草深峻嶒崛起似人出
野魘遠避何能侵世情論石喜雕飾土花碧湛莓苔色
此石欽寄太不情只合沈霾翳叢棘豈知奇秀天所鍾
襄陽拜倒甘服從不爲環肥學燕瘦髣髴太華青芙蓉
高崖陡絕不可上千仞壁立無人蹤山頭直上無枝松
澗底深潛獨角龍人間孤立乖崖翁比例擬議終難窮
五岳歸來一笑逢隔絕紅塵千萬重幾時賈島來搘筇

相視而笑將毋同

讀劉長城集次韻擬作二十首

卜築吾能隱空林自在眠奇峯危壓石急景短催年積
雨松當戶耕雲芋種田結茅同遯迹不費買山錢

古墓無行客西風榛莽秋漢廷成往古淮水自寒流舊
德千金重窮途一飯愁人間幾漂母我亦願從遊

破廟斜陽外桃花開兩枝息亡餘淚眼江冷對荒祠嗚
咽二夫語艱難一死時男兒重忠節弱女豈能期

素心蘭室詩鈔

卷二

三

宿北山禪寺蘭若

古寺隱幽壑夕陽飛鳥還看雲禪意定止宿客心間落
葉無人逕疏鐘何處山明朝策短馭絕壁好追攀

碧澗別墅喜皇甫侍御見訪

野館遲花發荒苔落葉紛山中新住我世外獨來君兩
岸煙嵐合一峯晴雨分草堂相對坐閒話看孤雲

過橫山顧山人草堂

一室萬山裏乍疑無路通鳥鳴青磎外人住翠微中危
石瀉朝雨長松吟晚風與君行藥去便過小橋東

同諸公登樓

高閣臨平野秋風作客驚白頭霜後鬢黃葉雨中聲渺

渺飛鴻影悠悠匹馬行天涯歸未得惆悵故園情

餘干旅舍

秋老霜天淨江千客過稀風高後急嘯木落雁羣飛北
顧書難寄南轅人未歸年年滯羈旅塵土滿征衣

尋白石山眞禪師舊草堂

安禪人不見依舊草堂開階下煙消草林邊雨漬苔白
雲堆嶺合黃葉隔溪來日暮山風起惟聞猿嘯哀

秋日登吳公臺上寺遠眺

衰草連天合高臺驚客心僧稀禪舍靜秋老暮雲深廢
壘沙蟲影疏鐘榛莽林故園何處望漂泊到而今

清明後登城眺望

素心蘭室詩鈔

卷二

三

古堞攬春樹人家夕照前年時過社雨墟落上炊煙山
遠疑無路江長欲到天帝京何處是只在日華邊

陪王明府泛舟

案牘餘清暇晴波泛櫂時天高飛鳥疾江遠去帆遲問
俗花栽縣迴舟柳臥枝白鷗如有意故欲相隨

過湖南羊處士別業

小築離塵軌三椽傍水涯呼猿能煮茗與鶴共移家石
徑連山仄溪流抱檻斜還來醉重九籬落已黃花

送袁處士

一棹歸舟晚閑閑樂釣耕稻魚村外舍雲樹郢中城種
柳招新燕尋花識舊鶯高山安可企徒此繫離情

送雲澈上人歸嵩陽蘭若

迢遞嵩陽路深山古木空獨行疲馬倦眞偈老猿通澗
石開新徑林花換舊叢惟餘香篆影依約草堂中

餞別王十一南遊

惆悵南遊客臨歧淚滿巾江湖幾逆旅天地一勞人落
日憺離緒華年非故春瀕行依戀意風動轉毒蘋

南湖送徐二十七西上

竟別南湖去西行故國違輕帆移月遠獨鳥貼波飛沙
磧異鄉路霜華遊子衣橫塘好風日莫使寄當歸

遊休禪師雙峯寺

雙峯夾一寺門對萬山開疏磬依林定孤筇越澗來花
溪小藺三詩鈔

深見麋鹿地僻長莓苔何事塵緣重匆匆去又回

雲門寺訪靈一上人

不識雲門寺行行過澗東飛流千尺澗殘雪萬山筇
影疲驢上鐘聲古木中到門還不叩林下有猿公

題魏萬成江亭

孤亭臨水斥瑟瑟荻花洲斜日長江外西風古渡頭樹
光圍野色帆影落中流知有伊人在葭深無處求

素心蘭室外集



第...
金...
此...
...



題詞

賈禹 何瑞榮 季衡

天遣情才筆下兼偶然游戲學香奩燈前點點英雄淚
滴向旗亭兩袖添

坐對鑑香一卷披拈將禪偈說君詩何由識得真如理
笑向猩屏問折枝

黔南 陳景星 曉山

偶惜蓮花示化身稜稜俠骨見天真龍文百斛扛才子
鴛塚千秋護美人隋苑笙歌楊柳月秦淮煙雨板橋春
鴟魂蜨夢都迷幻只認年年展齒新

宏編到眼便心驚羊石風騷此正聲豔質再諧金屋寵

詩壇重見玉溪生證來禪悅花爭舞補盡情天海亦平
笑我佯狂如李白也思低首謝宣城

素心蘭室外集卷之一

賈禹陸應暄石孫

再贈梧秋

相對默不語與余常目成愁懷依几懶愁態彈鬟輕落
日澹意緒白雲同性情閒來一茗話香篆隔簾生
相見若不見天涯咫尺間癡心防姊妬愁坐得身閒惱
我守靜默與卿時往還背人私握手爲汝一開顏

無題

仙城十二夜迢迢贏得雙成舉袂招自顧鬼才同李賀
誰書唐韻贈文簫碧桃花冷寒潘鬢白紵衫涼護沈腰
獨有俗緣殊未了紫裘吹笛過藍橋

素心蘭室外集卷一

無題

海國乘槎後歸來澹俗緣美人成永訣急景促中年客
淚和鵲墮鄉心逐雁先街頭閨磨鏡瓦破可重圓

寂寂竟何事迢迢空自歸卜花燈下穗漬藥病時衣往
事嗟殘夢餘年戀落暉簾涼仍似水可有弱魂依

弱魂依生前落句

無題

沈腰潘鬢負芳期珍重青衫瘦不支玉笛愁深秋去早
金尊人醉月來遲鶴聲西掠東坡賦鵲影南飛孟德詩
斜抱銀箏怨遙夜碧桐陰下露涼時

悲愁喜樂總無端少少年華駭急湍名士秋心驚白雁

美人遺扇剩青鸞，鐵衾夢醒香煙冷。銅鉢詩成燭淚乾，
莫更臨風怨煩惱。木棉庭院十分寒。

感舊贈江又村

曾向天台作浪遊，相逢一笑只低頭。桃花零落知何處，
髣髴郎君舊姓劉。
煙銷月缺又何論，空寄閒情種孽根。莫向新豐沽酒去，
縱無人在亦銷魂。

題梧秋翠袖倚竹圖

廿年賣曲憶旗亭，顧曲周郎眼獨青。郎自鍾情儂自怨，
爲渠教作少微星。

風露如珠瀉碧秋，盈盈不笑只低頭。而今冷落無人管，

素心蘭室外集卷一

誰記當筵囀玉喉

幽篁深際近瀟湘，徙倚紅闌夜乍涼。欲訪靈妃無覓處，
猊爐空爇女兒香。

前身曾住大羅天，小謫紅塵不計年。寄語瑤臺今夜月，
可能分照翠篁邊。

少小

少小風流渾似夢，開窗羞殺鬢邊華。每逢佳勝常攜酒，
獨展殘編當看花。青草池塘傷客路，綠陰門巷認兒家。
只今搖落秋風裏，斜日迴廊看暮鴉。

口占贈珊寶

一過申江一黯然，薄寒殘雪釀愁天。同安里外人如織，

響遏樓頭正按絃

盈盈秋水眼微波
眉黛彎彎掃翠蛾
髻影盤桓還似否
通辭誰與問湘娥

前生曾共住
巫峯尋遍天涯
一笑逢石不能言
花不語

倩誰重與寫春容

校書前遺有倚竹圖小照

春寒客路遣愁時
飄泊吾家舊雪兒
明日長安分袂去
教人煩惱是臨歧

無題十首

誰將離恨鎖情天
蠶繭終朝只自纏
未死生涯嗟鐵錯
返魂音問卜金錢
蒙莊夢境留癡蝶
司馬衫痕染杜鵑
我是西湖舊遊客
可能精石證前緣

三生石在西湖南屏山

素心蘭室外集

卷一

三

年年七夕鵲填橋
紅豆相思恨未消
青鳥不來王母使
白欄空瘦沈郎腰
茗談涼月風生塵
荔市炎歎酒換貂
惆悵舊時行樂事
西風吹淚湧如潮

傳言倩女夢魂通
教我杭州泊短篷
楊柳光陰新病後
綺羅天氣薄愁中
鐵鞋踏破無從覓
玉簫吹殘不再逢
私向蘇娘墳上禱
旅懷癡絕可憐蟲

庚寅酉冷尋春不見兩鬢蘇小墓

錦瑟徒吟憶舊詩
並肩倚玉更無期
山頭化石空延企
海上看羊數歲時
巫峽相逢徒有夢
漢宮重見或難知
惟餘翠袖疎篔簹
影題徧裙邊絕妙辭

匆匆羊石又歸來
澆恨憑誰借酒杯
名士青衫嗟畫餅
美人黃土剩荒萊
素蘭秋曉珠凝露
紅燭春深淚漬灰

莫上百花遺塚望夕陽憑弔有餘哀

去冬修二喬墓爲資冥福

無端邂逅過申江七寶飛輿覲面撞素靨依然擊舞袖
黃河重爲唱新腔雲英往事渾難記春草離懷未肯降
笑語舊時曾識燕可能珠箔睇成雙

瓊瑰一掬淚盈眶清冰芙蓉濯素芳金縷已非前世曲
玉簫猶似舊時妝烏啼子夜霜侵鬢馬策庚郵月在廊
獨有瀕行言不發但攜纖手對劉郎

蛾眉慵掃淡妝成齊卷珠簾雪乍晴自昔尋春愁杜牧
可能隔世問君平桃花人面調銀盞柳絮年時試玉箏
只是惱人行不得綺籠惆悵鷓鴣聲

一日情根一寸深鑪香燒盡海南沈死灰復有重燃日

素心蘭室外集

卷一

四

頑石難移不轉心春晚桐雲雛鳳怨秋高槐雨暮蟬吟
鴟絃彈斷無人惜長使周郎淚上襟

要向如來問宿根相思相見不相親鸞釵舊恨瓊南月
燕剪新愁薊北春怪事幾回書咄咄畫圖時與喚眞眞
佳人薄命原如我又結來生未了因

後無題十首

繡閣春深護幾重玳檐鈴鐸響丁冬鑪灰欲燼寒金獸
竹珮微鳴戛玉龍月鏡低窺羈恨滿雲鬟初卸晚妝慵
鶯兒打起休驚夢夢到蘇城夜聽鐘
緘封曾寄數行書望斷天涯市月餘皮相可能窺半豹
心期眞欲託雙魚五陵金勒來無恙十里珠簾畫不如

攜手浪遊約何處西湖湖上看芙蓉

梨花落盡一年春愁緒難支薄病身南國歸程鶻欲喚
西山客路燕來嗔窮途白眼逢僮父豔曲紅牙記美人
嫁杏聘棠儂不怨可憐淪落是風塵

碧海梧桐鳳子巢垂髻珍重締鴛交繡裙結綺香隨蝶

紺袖凝珠點漬鮫簾漾風姨銀蒜挂窗局雲母玉葱敲

傷心最是難忘處詩藁蠅頭手自鈔

生前鈔余小詩畧皆閨誦

廿年春夢未曾空鬢影釵光髣髴中似汝重來疑化鶴
有人相對賦驚鴻塵緣盧鹿前蹤印心事靈犀昔夢通
哭不成聲翻自笑倚闌無語又東風

最多情處是無情啼笑相看兩不成鸚鵡機心能學語

素心蘭室外集

卷一

五

鴛鴦舊譜已寒盟轉蓬浪迹依依詎題葉愁懷眷眷生
不是魚更太促逼立談應與到天明

十九年來戀夢思綠窗拈韻悄吟詩月明金粟涼風夕
燈冷銅荷苦雨時分袂早悲瓊海路尺書難寄夜臺詞
人間良會何由慰試訊微波洛水湄

薊門迢遞贈唐花孔雀珍裘笑拜嘉粉黛香函金盒子
髻鬟斜顫玉丫叉額黃襯出珠銜蚌眉素妝成鬢掠鴉
輕掩櫻桃偷目看三毫添頰不曾差

西子應從范伯遊訂期先託寄書郵筑歌對泣慙燕市
花月分攜豔虎邱玉杵元霜憑爾搗金閨斜日替人愁
眞娘遺墓今何處相爲招魂醉酒甌

雨絲風片奈何天薄倖青樓小杜篇惜別髮從今夜白
懷人月見幾回圓佛緣賈島梅同瘦殤嫁寒簧果證仙
一卷蓮華一聲磬爲卿參破老婆禪

寄珊寶

落拓天涯下第身申江憔悴客愁新彼姝舊本瑤臺侍
又抱琵琶笑向人

十七年華正妙齡盈盈度曲向旗亭驚筵我乏黃河句
孤負雙鬟眼角青

淪落江湖冷竹絲共誰同賦定情詩東坡老去朝雲死
一別原無再見時

又向歌筵囀玉喉十年塵夢說揚州桃花人面重來訪
素心蘭室外集

卷一

六

記否郎君舊姓劉

垂柳青青綫萬條迎門偏折小蠻腰吹綿莫怨東風懶
自喜沾泥颭板橋

十二樓頭月色陰撫琴何處問知音我遲上第卿遲嫁
一樣風塵淚滿衿

續無題十首

迴廊竟日又西風觸撥愁情短笛中自昔入懷同乳燕
幾時排字寄征鴻撲著無計占歸妹拍板徒勞唱惱公
回首新豐舊遊處淡雲微雨鎖殘虹

年華半百暮秋時誰與風流更畫眉自顧北邙成死別
那堪南浦重生離浮山有客鋤黃獨湘水無情長綠靡

我與落花同薄命，
偃煙愁煞海棠詩。
在都和友人海棠詩有偃煙睡醒紗

窗冷愁絕東風怕曉寒句

綠酒紅燈一少年，
追隨裙屐自翩翩。
金尊舊恨梧桐月，
玉篴新愁柳絮天。
唐韻妙傳銀管字，
班香濃壓錦囊篇。
而今並作槐柯夢，
往事重提更愴然。

年年阮籍哭窮途，
寄旅真慙弔影孤。
詩筆豔教紅露浣，
病軀愁借紫雲扶。
心中明道原無妓，
陌上羅敷自有夫。
奚事琵琶訴幽怨，
江湖淪落淚痕枯。

卿疑天女我維摩，
小謫塵寰懊悔多。
栖樹寒鴉憐夜永，
抱花殘蝶奈秋何。
相要解佩懷江澗，
共語投詩痛汨羅。
碧海青天無限恨，
可曾偷藥悔嫦娥。

素心蘭室外集

卷一

七

記得銀杯酒共銜，
匆匆遂挂別離帆。
水流咽似儂腸斷，
鬢亂篩煩女手摻。
可有青山埋豔骨，
何人紅淚溼春衫。
曇花一見無由再，
孤負京華兩寄函。

申江江上歎無家，
靈耗傳來怕又差。
佛法有靈應證果，
美人易謝本如花。
重生未化姑瑤草，
話別親擎顧渚茶。
惱我心猿無處繫，
朝朝暮暮醉流霞。

淒風吹雨打斜廊，
簾下湘筠徑欲荒。
叢塚陰燐霾燄碧，
疎林風葉冷昏黃。
天涯又泛思歸棹，
人世難尋續命湯。
莫向秋燈訴搖落，
窻紗濃影漾螢螢。

浩劫難存不壞身，
來緣何果去何因。
飛昇卻欲隨蕭史，
私論翻疑殺伯仁。
寶髻香雲留倩影，
孤墳斜日滿荒榛。

癡心欲作非非想，微步凌波悵洛神。
風雨征途漸白頭，離懷十斛壓歸舟。
潮生珠海人千里，夢入蘇台月一鉤。
庭院乍涼飛蝙蝠，園林未暝泣鶻鷗。
從今莫唱唐多令，我比梅津更善愁。

申江旅感

搖落西風又一年，乍寒時節試輕棉。
酒餘怕讀閑情賦，愁緒撩人九月天。

背人愁看舊時詩，井井朱闌直界絲。
會夔枯燈焚藁去，怕儂來世重相思。

函骨

函骨平生約奇窮，奈爾何思鄉鬼淚盡營塚。
客情多短素心蘭室外集卷一

卷一

八

碣侵苔蘚淒風冷，薜蘿眞孃墳不遠祇隔一重河。

蘇臺卽事

虎邱尺土綠苔侵，生死交情孽海深。
萬里風濤勞跋涉，可憐人死不知心。
扁舟來去渡僧橋，裏盡吳綿怯沈腰。
卿是故鄉儂是客，薄寒愁煞可憐宵。

申江雪夜飲滋薌黃校書家醉後卽事有作

凍雲如墨壓窗黑，獸爐煨炭紅無力。
佳人留我醉一觥，重簾深閉香煙直。
忽焉密霰散千珠，鴛瓦淅瀝時有無。
玉樓寒聳貂裘薄，楫楸騰煙溫酒壺。
淨生祇識杯在手，矧此征途逢膩友。
橫塘原是外家親，一度尋思一低首。

玉簫往事本難論襟上殘紅識舊痕莫唱新詞悲懊悔
由來倩女本離魂眞孃墓後虎邱左埋碧千年知道根
俄然大雪滿空至大千世界銀鋪地玉龍戰後殘鱗飛
化作瓊瑤粉碎墜一酬一酢興縱橫襟袖淋漓淚點盈
銀海眩花膚起粟欲飲忽停聞歎聲歎聲哭聲或交作
外人安識此中情窗外漫天一片雪照我激懷自峭絕
節豈我名潔豈貞欲以矯情學豪傑酒酣呼取大杯來
不知瓦缶與金壘一斗亦醉石亦醉橫眠拚取玉山墮
卿死葬卿三尺碑我先醉死卿安知秦箏趙瑟夜夜冥
那憶寒酸措大死埋時我亦不慕杜牧之我亦不思楊
雪兒千金一諾誓不移知我罪我由情癡鐘沈柝死雪

素心蘭室外集

卷一

九

盈尺有酒如澗樂今夕極悲極樂一時生轆轤余心似
轉石手持大斗問青天可是青天方醉眠美人黃土自
堪憐名士落魄毋同然窻罅風疎花沁妍作草欲學濡
頭顛惟見搖紅見跋燭爆花照徹人如玉與爾今宵擁
雪眠我亦要作窮途哭

有憶寄小寶

長夜不成寐枯燈冷短檠一心澄萬念兩地各三更攬
鏡朝霞影傾盤夜雨聲年來長爲汝歌枕到天明
乳燕依人悄流鶯學語圓青尊擊翠袖素手拂紅絃洛
浦思成夢瑤池望若仙垂簾宜膜拜參透散花禪
我本維摩詰游行落世間新詩成宿讖色界定禪關曉

露調金粉微風動翠鬢秋波斜轉處點到石頭頑
中浦迢迢別珠江渺渺思蟬紅繡舊稿螺黛憶新眉紙
薄佳人命紗籠幼婦詞華筵重對酒相約隔年期

白蓮花八首

白蓮花傷所遇也前因不味後果仍空蒙莊寓
言非徒攬物起興耳

玉立亭亭倚畫闌鉛華不御韻珊珊無邊風露清如洗
沾到汙泥折亦難名士老來文品潔佳人浴罷晚妝殘
灑溪舊癖今猶在倦挂孤筇一笑看

數到園林第幾枝蛾眉淡掃轉相宜微波芳訊懷千里
涼露清芬沁一池自在最宜觀水月入時原不買胭脂

素心蘭室外集

卷一

十

南亭夢想無消息欲撫瑤琴訴與誰

冰姿削出自亭亭白石闌邊酒半醒似我無言甘淡泊
有人相對鬪娉媵雲搖鏡檻一雙螭雨滴瑤房數點螢
顧影莫嫌消瘦甚映來余鬢正星星

不雕不琢本天成萬柄風搖綠有聲色相早參明鏡傷
香痕疑共水雲平羽衣髣髴年年恨玉骨清涼眷眷情
相對聳肩寒漸重葛紗衫薄未曾更

今日花開又一年每從淡處轉增妍琴尊夜冷空江席
環珮聲遲乍曉天縞袂遙來香上鬢碧紗初敞澹凝煙
何因生向橫塘路輸與梅花籍占仙

水驛叢祠舊板橋盈盈瘦盡沈郎腰移從湘渚煙鬢怯

種近瑤池粉態消卷幔輕宜銀押漾插瓶斜勝玉簪嬌
綠渠會得文章祕氣體清華愛白描

翩若飛瓊月寫真別浦妝嚴紅面面滿池波泛碧鱗
態肖飛瓊月寫真別浦妝嚴紅面面滿池波泛碧鱗
惜芳我抱無窮恨太華峯頭證夙因

西子湖邊日又曛珠塵如霧散紛紛三更人定涼搖月
一朵香微澹入雲繪影卻從言外得聞根時向夜深分
何時玉貌重相見好唱湘蘭白練裙

後白蓮花八首

後白蓮花愁日暮也南天早霜木葉交下讀梅

臣書馮焉寡懽續賦八章亦以申前篇之意耳

素心蘭室外集

卷一

七

碧天如洗露華浮驀地橫塘已報秋數朵芳情翹似鶯
半池涼意淨於鷗曉風殘月迢迢路疎雨微雲默默愁
莫倚素妝臨水檻江南詞客乍迴舟

梅花面目冷於冰如汝姿容卻亦能照水丰神原皎皎
傲時骨幹本稜稜粉銷菱鏡秋痕薄芳散蘋汀夜氣微
好是更闌人去後綠雲如海月如燈

江天初曉雁來時素面盈盈鏡碧漪道是端莊仍嫵媚
卻從閒澹見矜持雲斤妙斲瑤擎瓣霧縠輕籠玉濯姿
曾向露筋祠下過野塘開徧一枝枝

畫簾微雨又瀟瀟翠蓋離披惜半凋孤潔似同人傲岸
清臞唯伴石蕉萸麻沙俗眼渾難見素絢仙姿或易描

惱我酡顏相對坐玉壺紅淚不曾消

明璫翠羽淨無塵萬个修篁許結鄰
淼淼煙波人似玉娟娟情態月如銀
春山眉嬾生前影秋水心期悟後身
曾向東田陪宴集不堪重問涉江人

白石灘頭冷浣紗捧心人自笑兒家
新妝浴後無殘粉倩影移來傲晚霞
扇迎風窺掩映玉盤承露湛清華
浮蹤且莫傷搖落不耐飄零不作花

短簿祠前記得無長身鶴立出菰蒲
芳魂冉冉三生石涼露霏霏十斛珠
沙淺瘦憐微步颺雨餘愁借淡煙扶
誰能收取蕭疏意寫入天寒倚竹圖

惜香心事已全刪相對瑤英未忍攀
莖直不嫌芒刺勁

素心蘭室外集

卷一

七

體清偏稱水雲閒蘼魂夢好鵲應喚
豔影宵涼鶴又還我共瑤華有深契
年年白眼向人間

續題梧秋翠袖倚竹圖

柳嬌花姘總無情倚到琅玕自比清
今日披圖重對影江南哀絕庾蘭成

相逢重又說天涯憔悴東風兩鬢華
我是失巢孤燕子夕陽飄泊向誰家

同作

賁周 凌福彭 潤若

顧影應憐落照殘含情凝睇倚朱闌
簾前鸚鵡頻相喚報道天寒袖已單

雲鬢斜插紫丁香淡掃蛾眉默自傷
謠詠易招羣小

妬个人命薄似蕭娘

賈 禺 何瑞榮 季衡

瀟洒風流遠俗塵竹叢隨意寄閑身清都寶笈靈飛
籙同是當年管領人

翠帶凌寒兩袖輕紅牙按曲記平生升沈莫問柯亭
遂自倚琅玕看晚晴

賈 禺 沈瑩璋 芝亭

姓名天上許飛瓊小謫翩然下玉清祇合瑯嬛深處
住回闌風露不勝情

冰姿生小鬪芳華慘綠年時玉不瑕莫對幽篁起秋
思鏡中眉嫵覩於花

素心蘭室外集 卷一

三

海康 李晉熙 春卿

誰畫雲英掌上身倚闌綽約若爲眞江東才子題詩
在腸斷鍾陵未嫁人

仙骨珊珊獨立時疏簾修竹兩相宜低頭似笑天台
女未有劉郎一首詩

賈 禺 區士彬 遜卿

昔年憑汝報平安花亞曾移帶笑看蝴蝶不來秋運
冷夕陽閑倚兩三竿

深深曲曲影成堆留客眠琴話幾回對此料應隨鶴
去月明三徑可重來

遂溪 羅 鼎梅 臣

一幅崔徽翠袖寒白衣裳凭赤闌干披圖未覺風流
盡猶作宏農得寶看
粉箋題徧歲寒詞珍重年年付所思惆悵青衫淪落
客枉將心事祝延之

香山黃紹昌此鄉

補屋牽蘿幾度春年年風雨過芳辰披圖不用增惆
悵一樣雲英未嫁身

臣里何人宋玉鄰微波欲託也無因琴心祇許文君
頰合鑄黃金拜美人

古吳唐繼盛佩瓊

悠悠修竹拂雲端敢作閒花一例看淒絕珠江風月

雲心甫宣外集

卷一

十四

夜有人翠袖不勝寒

一坏香土闌蒿榛古墓真孃近結鄰許我倉山沿舊
例錢塘蘇小是鄉親

香山何翰章西林

花開花落兩無因杜宇聲中又送春閒伴此君青不

改亭亭笑煞詠花人

誰憐寂寞倚闌干流水年華減玉顏祇有貞心對君
子一庭風月不知寒

花縣朱珩楚白

沈沈簾幕晚風開寂寞庭階長綠苔不愛栽花愛栽
竹更無蜂蝶過門來

年年淪落在天涯歸妹愆期又及瓜莫笑徐娘今半
老容顏依舊似桃花

賈禹 崔其湛 少泉

瀟灑風流美少年倚聲度曲駐吟鞭而今尙許周郎
顧回首青春已惘然

檀郎才調世無倫占得江南一角春最羨生枯雙管
妙畫眉又是過來人

遂溪 羅海 珊洲

修竹蒼涼翠袖單美人丰骨本清寒畫圖誰寫春風
面孤負明妃隔世看

生死交情得似君年年惱恨杜司勳而今長作江南
素心蘭室外集 卷一 五

夢哀絕詩聲不忍聞

海康 何沂 嘯春

雲散風流二十春披圖今始見眞眞不須朝夕焚香
祝會向三生拜美人

鬢影蓬鬆竹影橫酒闌叨絮話前生可憐哀絕江南
賦難解樊川薄倖名

賈禹 陳偉宗 小田

優曇一現已前塵難得良工爲寫眞不畫桃花畫叢
竹多緣崔護太傷神

幾度含毫詠不成可憐風調太愍生江淹老去渾才
盡慙愧裙邊署姓名

黔陽 陳景星 笑山

微風振葉玉鉤蹤
小立苔陰暑氣降
妾似竹極郎竹
節枝枝相附總成雙
粉漬衫痕籜解苞
卅年春影幻浮泡
芳魂若化韓憑
蝶不上冬青上竹梢

素心蘭室外集

卷一

去



素心蘭室外集
卷一

微風振葉玉鉤蹤

黔陽 陳景星 笑山

素心蘭室外集卷二

賁馬陸應暄石孫

甲午下第留滯申江招雜姬侑酒口占五絕句

曾向閩門作浪遊
絲絲垂柳話蘇州
而今落拓申江道
前度劉郎半白頭

遲遲心意嬾如雲
睡起梳頭日半曛
我向水晶簾下坐
一甌茶話冷陪君

道是無情卻有情
酒闌彈指話三生
不須爲寫圖中影
偎頰燈前看到明

秋波偷轉向人時
佛在心頭一笑知
小試兜羅織玉手
替他親自畫蛾眉

素心蘭室外集

卷二

一

淺斟低唱酒盈壺
笑問蘭香識我無
一領春衫塵漸重
滿身風露倩花扶

飲小寶家閨警卽席漫賦

酒地花天寄此身
還從磊落識吾真
與卿再世來同醉
如我中原是幾人
燈火半簾虛白室
輪蹄十載輾紅塵
雌兒未解牢騷意
自蹙雙蛾作淺顰

哀絲豪竹又中年
薄醉狂歌似散仙
白眼可能容阮籍
濡頭渾欲作張顛
美人咳唾香成韻
暮景蒼涼淡入禪
惱我酒酣頻倚嘯
慳囊空盡買春錢

胸中壘塊未曾澆
脂粉難將俠氣銷
憂國有時潛下淚
倚愁無賴轉添嬌
英雄末路惟醞酒
身世虛名寄大瓢

欲勒燕然何處是燈前恨頗慚無聊

憶所憶

日長無病轉懨懨離緒多從傍晚添折得黃花扶影立
擲餘紅豆帶愁拈新詩寫恨偷藏稿薄袖迎風怕卷簾
最是撩人煩惱處玻璃窗外上銀蟾

悶倚回闌一嘯歌駒光強半墨同磨心懷似我憐慵燕
眉黛憑誰掃淺螺對影徘徊今古月問潮惆悵去來波
浮生不惹黃姑恨也指檐前望絳河

彈指年時又小春吳縣珍重護吟身離多會少天長老
酒淺愁深僕恨人流水光陰驚電幻填門車馬惜風塵
歸根悟得浮生理落葉街頭證夙因

素心蘭室外集

卷二

二

懊惱詞成又幾篇蠅頭書徧衍波箋碧紗籠句題詩豔
紺袖凝香染唾鮮事到難圖惟懺佛生非歷劫不成仙
從今悔蕢邯鄲酒歲歲春蠶繭自纏

申江大雪偕某校書張氏園樓最高頂登眺

春申澗上雲沈黑陰霾四天晦於墨俄焉密霰散瑤珠
楫楸煨紅冷無色張氏園林眼界空高樓突兀凌蒼穹
攜將倩女飛車去鐵驪般地聲隆隆到門雪深及一尺
玉階沒盡行人迹侍兒扶下釵朵搖踏碎瓊瑤見苔碧
空堂無人茗椀收海天一色銀雲流四啟明窻望眼窄
直上縹緲之飛樓仙人許我瓊樓住招邀欲到最高處
一層一層又一層衣袖頻頻拂花絮飛費百尺凌其巔

輕塵步步香生蓮分明身在玉壺裏相看並是蓬萊仙
漫天風雪花成綵一片寒光眩銀海千金新買紫綈裘
環珮盈盈振珠琲此時海上三奇峯鱗甲紛紛飛玉龍
千巖萬壑皆縞素可剩一寸青芙蓉吹簫會上鳳凰臺
蕭史今朝重到來攜手乘鸞冉冉去扶搖萬里天風開
少時曾讀惠連賦皓鶴奪鮮鷗失素只今我亦攜佳人
騁詞可許繼高步吳淞江上狂飛沙壓蘆折竹遮人家
遙指天邊盡絕處皓汗無際韜紅霞樓臺遠近如重壁
隘巷通衢並堆積豔體新題白玉樓會向瑤宮分一席
霏霏雨雪載塗多蹭蹬名場如老何美人名士並肩玉
暫變慟哭爲長歌侍兒瑟縮催歸去下樓戀戀何能遽
素心蘭室外集 卷二

三

馬如游龍振策飛寒裏撲面紛翔翥

席上戲題二首

美人手

入握應知夙世緣温於闐玉輦於綿癡心未敢期搔背
怕著方平一下鞭

美人足

雲雨巫山過後身一彎新月悄傳神知郎嗅得餘香未
戲逗蓮鉤點絳脣

京江酒肆雛姬席上乞詩感賦

雌兒偏解事乞我作詩看小飲繁憂上大江天氣寒千
金揮手易一字稱心難爲汝濡頭醉高歌白石殘

素娟曲

李素娟揚州人年十八有殊色不能歌乙未余
客廣陵瀕行前一夕見之爲賦長歌用誌傷感

邗江江上新波淥邗上人家深巷曲楊柳當門花亂飛
女郎二八瑩如玉自言家世溯青蓮生小呼名豔素娟
赤貧未慣壓金綫除卻白榆無散錢文君當壚豔稱久
邯鄲女兒亦沾酒從古紅顏薄命多今我何人獨得否
我聞此語鼻觀酸顧影飄蕭華髮殘卅年戀戀樊川夢
如此姿容絕世難平生浪迹江湖去蘇小錢塘曾許住
今來二十四橋邊又到名花最佳處出來不用搗琵琶
淡掃雙蛾香勝花骨月停勻脩短合盈盈桃靨羞朝霞

素心蘭室外集

卷二

四

欲言不言守靜默枇杷巷冷無人識道是無緣偏有緣
不負廣陵此遊歷珠喉豈必矜能歌媚眼迢迢橫素波
我年五十又添五雙鬢鬚如汝何無緣何似不相見
相逢且喜不遮面炎洲紅豆種相思石爛山枯終不變
雜鬢曾結蚌胎圓拋撇章臺又幾年天生尤物不知惜
十萬花幡空可憐此行落拓淒無緒坐對佳人不能語
卿如籠鳥我池魚一樣窮愁相爾汝飄蓬轉徙病餘身
知已由來屬美人而今瞪目默相對欲借蒲團參淨因
恨天有石終難補後會無期相憶苦明朝歸去一帆懸
楓葉紛紛滿船雨

本事十二首

少小多情老更濃絕無聊賴忽相逢塵心未死難成佛
豔曲頻聽只懊儂珠海月明三五夜銀河星隔一千重
天南近報新霜逼準備嗁痕漬曉鐘

曾記相逢二月晴青衫紅漉酒痕平小名楊柳原飄蕩
微步蓮花太瘦生省識新妝嬰母語遮留遊屐鷓鴣聲
漫天風雪重簾下蠟鳳凝珠獸炭明

綠尊翠袖更紅絃麟脯筵閒暮雪天啖蔗光陰驚過客
飄萍身世託游仙神山夢入霓裳曲孽海愁慳露水絲
道是無情偏有恨勞人瘦損又今年

恩慙馬首又長安孔翠蒙茸尙怯寒市地黃沙和雪積
殿春紅藥帶愁看征衣裂縫塵猶浣香帕留痕淚未乾

素心蘭室外集

卷二

五

回首春申舊時澗救蛾曾共剔燈殘
麥秋天氣鬱歸期道是倪迂是顧癡占柳每隨鶯並坐
尋花惟有蝶能知淡雲梨白晨妝靚小雨梅黃午夢遲
路問天台重許到凭肩曾與不相離

紅燭三條酒半甌筵終客散獨髡留行雲卿自懷神女
持戒儂原學惠休攬鏡薄羞霜上鬢探囊空罨錦纏頭
舊盟未締梅花好惹得新枝翠羽啾

星裝一舸過淮南舊夢揚州酒正酣京口林巒低拂雁
平山風月醉停驂清歌戛竹雲移檻畫槳穿荷露滴衫
莫向小紅橋畔去飄蕭華髮對花慙

廿四橋邊掃落花古藤垂瓦是兒家月琴斜抱么絃促

風袖交橫舞影斜，蛺蝶縷金衣半臂。蜻蜓搖玉鬢雙了，霜顏老去癡情減。多謝麻姑背蟬把，南徐歸興太匆匆。人面桃花一笑中。薄命紅鸞星誤注，微波青鳥信常通。感深烏養華鬢侍，繡錯鴛鴦別譜工。笑我遊車難小住，金焦惜別雨濛濛。瓜州江上峭帆回，瑩姊相攜作伴來。隔座有時拈碧柶，倚愁無賴立蒼苔。衾分翡翠人連榻，鑪爇狻猊箸撥灰。卻喜妙蓮心不染，讓他鷗鳥費疑猜。金粟銀鐙惱寂寥，閒愁真合酒邊消。失巢客燕栖難定，學語雛鶯養更嬌。漚瀆晚花攬水石，秦郵秋柳瘦溪橋。蓉城我亦荒無主，孤負仙漿醉一瓢。

云心蘭室外集

卷二

六

侂城風日漸秋深，香國要盟可鑄金。清照黃花身外影，右丞紅豆曲中心。指頭灑墨分釵信，背面鐫詩破鏡吟。別有愁懷拋未得，窻前悔種竹成林。

綺懷十五首

善提結果達摩留，不絕之根離恨名。天媧皇有未補之石，僕生而識字長益。工愁平章風月數，往事之零星飄泊江湖。悵華顛之成雪，酒闌命筆率爾成文。人各一詩詩均一體，庶千金散盡尚留蝴蝶燒之魂。三尺歸然永瘞鴛鴦之塚，云爾至竟情根是孽根。舊時猶有酒盈尊，拔心不死卷菴草。泣血空嗥杜宇魂，堆架薔薇風亂影。隔簾楊柳月當門。

年來已付飛鴻爪忍向春泥問雪痕

碧桃如雪鎖窻涼門巷陰陰牡蠣牆扇寫蠅頭波磔筆
鐙薰雁足水沈香梨雲淺暈春含笑薇露深痕晚盟妝
最是癡愁難遣處共燒銀燭盼晨光

忽將巾幗變鬚眉紅袖登塲繡鎧披白昔調脂工傅粉
有時斬將學拳旗身經滄海情全淡悟人須彌性轉癡
猶記相逢了鬢日清風橋畔雨如絲

懨懨鄉音渺出塵一回相見一回親元龍舊夢金尊月
小鳳新愁玉笛春死作蠶殭仍入夢生如蟬蛻自離魂
瀕危未肯留眞姓腸斷桃花弔影人

癡極翻生姊妒嫌清愁無賴只辜簾飛花性共東風嬾
素心蘭室外集

卷二

七

倚竹寒教薄暮添潘步生蓮瑤朵顛唐詩膳草玉蔥尖
從今莫過新豐去虎阜荒涼野草纖

申澗相逢欲雪天癡心浪說再生緣清歌掩映仍紅袖
私識分明認黑肩惜別恨遺鈿合豔禦寒溫記翠裘妍
年年寒食花園隴不賦招魂亦可憐

曾向橫塘識外家綠陰門巷柳條遮天寒貂敝豪賒酒
春煖鶯嘯倦喫茶鴛牒誤盟憐左計烏私潔養悟南華
申江市月長相伴我亦飄零老淚斜

楚楚丰神濯濯姿彎環眉樣瘦畧支花經宿雨含苞豔
燕受斜風颭柳遲並坐本來人似玉銷魂況是酒盈卮
江南風物年年好愁煞船邊背立時

來遲且莫說姍姍如此仙姿絕世難傲性未妨同瘦竹
芳心誰與味幽蘭鶯喉歌好花能笑鴛被春寒夢怯單
闌道比雲今更嬾東風吹老一憑闌
材是聰明意是癡北風吹帶立移時書通一雁霜前信
愁畫雙蛾睡起眉午倦橫眠曾借榻夜深清話看彈棋
何由識得花情性笑向猩屏問折枝

家住秦淮水一程淞江遷地轉知名窺簾癡學雙栖燕
度曲圓拋百轉鶯鬢白漸花憐我我柳青攙絮惱卿卿
無端翠羽啁啾起孤負癯仙舊證盟

但論名字竟相同一曲琵琶怨未終飄梗天涯憐浪迹
愛蓮心事祖家風宵談癡記星如豆宿恨愁生月似弓

素心蘭室外集

卷二

八

無那酒闌人散後嘵嘵私話五更中

由來家世豔文君瓜字年華二八分蟬薄輕衫涼逗月
鴉盤新髻膩堆雲梨渦暈淺雙飛盞蘭澤香濃百禰裙
可有碧紗籠斷句舊題惆悵酒微醺

邗江江上記相逢誰撚瓶花剖六宗乍面難傳千里信
驟離旋聽五更鐘珠圓美認含胎滿步淺香憐褪襪鬆
采得蘼蕪無路寄絳河長隔萬千重

落魄江湖似牧之鬢毛添白雪絲絲人生到此成風漢
薄命如斯負女兒鐵鑄已成千日錯石頑難補兩天離
前塵底事同泡影自寫孤懷賦小詩

大寒二日聽鄰家彈琵琶有感作此寄遠

飛廉揭屋掀重茅，茅龍弄影參差交。窻糊繭紙下屈成，
斗室狹似蟻螭巢。忽聞隔壁管絃促，一聲兩聲斷還續。
傾耳可是琵琶聲，有客支頤亂心曲。舊年落魄向江湖，
廿四橋邊一酒壺。曾聽琵琶掩泣語，畫舫藕花如畫圖。
今年里閨甘抱膝，鶯文金盡無顏色。匆匆伏臘歲已窮，
安望壯遊極南北。不聽琵琶先斷腸，冷壁孤檠淒自傷。
無端嘈切鷓鴣絃，雜目斷淮南天正長。美人冉冉隔江渚，
相見當年天酷暑。薄羅窄袖玉手纖，一曲當筵奈何許。
此時大雪平山堂，積素千林山奪蒼。可爲遊人一再鼓，
掩映貂裘懸額黃。此間一樣丁冬急，十指凝冰四絃罷。
狂飆捲塵撲面飛，添衣悄向簾前立。渺渺離懷繫遠思，
素心蘭室外集

卷二

九

厚絮無溫拈酒卮，題詩欲寄邗江湄。生怕風高飛雁遲，
天未懷人同此時。盈盈拈帶顰蛾眉，琵琶且莫作淒語。
曲終令我長年悲。

閨中雜詠

作字

竹光鋪几淨無塵，罷繡停鍼自在身。別有簪花新翫格，
想師松雪管夫人。

裏足

花間微步可生蓮，素練纏成玉筍尖。豆筴輕盈菱角俏，
又從鞋底墊些綿。

柳枝詞

撩亂情懷是柳枝和雲和雨繫相思銷魂莫說重來日
孤負春光正此時

十年爲客憶西湖柳色湖光畫出無今日淞濱重見柳
畫橋煙雨倩誰扶

走馬章臺路幾又青帘沽酒趁誰家惜芳心事無人見
笑向枝頭問柳花

看遍長條又短條盈盈都折小蠻腰顰眉不用愁春晚
二月東風雪正消

斜日新妝獨倚樓吹花如雪撲簾鉤攀條莫悔封侯去
夫婿而今已白頭

此心江柳共依依飄泊天涯作絮飛記得瀕行慈母綫
素心蘭室外集

不如歸去綠陰肥

後柳枝詞

一樹拋殘縷縷金偎煙愁絕過春深江潭搖落無人見
惆悵當年手植心

東偏不怨受風多一角荒園奈爾何盡日無言空有恨
鏡流誰爲掃雙蛾

掩映珠簾半啓中垂條踈地拂青驄渭城一別無消息
零亂飛花撲水萍

板橋殘夢又今朝沙水清冷影自搖密散斜陽疏散雨
江頭拋撇萬千條

淺黃輕綠映年年贏得春光九十天燕子來時鶯又老

繫樁閒煞隔溪船
化身何處問浮萍
蕉萃江湖鬢欲星
曾向閭門縈別緒
亂蟬聲裏影亭亭

續柳枝詞

風雨撩人苦別離
離亭折盡幾多枝
平生第一傷心處
揚子江頭挂席時

娉娉嫋嫋楚宮腰
曾種揚州廿四橋
聞道秦淮春更好
綠雲無際水迢迢

江浙名山展齒經
但逢佳處有林亭
重來攀折人如舊
多謝封姨眼角青

浪說蘇州柳最多
娟娟眉樣悄臨波
只今幾樹京江口
素心蘭室外集

卷二

七

偷妒東風奈笛何

江北江南送客程
愁風愁雨又愁晴
年年惜別無人管
輸卻枝頭兩箇鶯

洗馬隄邊晚正涼
風枝搖曳帶微香
東君知汝多情甚
留與殘秋繫夕陽

柳枝詞再續

東風作態糝輕綿
雨膩煙顰又一天
莫向征途論聚散
絲絲長挂玉驄鞭

離懷飄蕩幾時休
萬縷千絲夕照收
記得灞橋分手語
生憎隨處又勾留

倚到東風二月時
舊枝刪盡見新枝
重來頭白無人管

折得長條贈阿誰
未到清明樹花綺
窻一角認兒家
春愁似海知深淺
忍向斜陽問宿鴉

百花開盡綠陰陰
招得閑情爾許深
風笛數聲人又去
渡頭愁煞此時心

冶葉倡條歲歲新
今年還似去年春
憑闌搓手團風絮
不見船邊背立人

柳枝詞三續

又看兒童戲捉花
輕於吉貝薄於紗
筠簾四面重重卷
讓爾春痕點鬢華

風風雨雨拂枝枝
歲歲年年此別離
葉葉自新人自老
素心蘭室外集

卷二

七

累他驄馬也行遲

盡日粧樓坐對頻
一回眉樣一回新
春風吹入江南夢
中有銷魂絕世人

江干終古此垂楊
人是中年更斷腸
可有舊時顏色在
醉扶殘夢到金閨

漫天無影墮無聲
薄命佳人似汝輕
橋上別來還在否
不傳消息過清明

吳山越水隔天涯
應悔當年誤折枝
聞道燕歸能寄信
江邊勞我盼多時

柳枝詞四續

煙輕雲薄養愁天
垂柳絲絲客感牽
聞道別來情意懶

學他棠睡試三眠

欲共吳孃鬪舞腰烏蓬晝靄近相招淡黃一片溶溶月
如此風流不易描

風頭夢雨畫簾春枝罅朱闌望不真莫向斜陽問飛絮
天涯惆悵未歸人

綠楊城郭是揚州一舸輕帆一月留憐取青青舊時色
別來無賴又新秋

吳門疏雨翦刀齊渡口匆匆過馬蹏折得一枝無贈處
伯勞東去燕飛西

幾日西風散夕霏江天涵影雁來稀數株莫苦秋容瘦
比到琅玕尚覺肥

素心蘭室外集

卷二

七

柳枝詞五續

幾日西風葉漸黃數株疏散不成行描來一段深秋景
樹亦如人帶老蒼

淺沙雙槩雨餘天渡口依依客繫船一夜新霜變黃落
誤他張緒過當年

笠影鞭絲五十春朝朝辛苦說風塵傷心最是長亭絮
飛入離筵不管人

數到江頭第幾家秋風燕子路三叉娟娟畫出佳入影
我亦飄零感歲華

載酒平山又幾時天晴宜畫雨宜詩十年不作樊川夢
莫惱尋芳去較遲

搖落江潭感慨多
低枝拂水晚來波
吳頭楚尾相思苦
不寄音書奈雁何

柳枝詞六續

北馬南船日日忙
兩行斜雁點秋光
無憑最是離亭柳
一樹青青一樹黃

青山一角石峻嶒
短棹煙波過晚汀
柳影亦如人影瘦
夕陽身世惜飄零

新霜天氣漸蕭條
孤館銀燈悵寂寥
惟有鴉黃好顏色
牽人遊夢到金焦

欲將江水送離憂
望遠登高不自由
幾樹蕭疏烏榜外
模糊天際是揚州

素心蘭室外集

卷二

十四

風雨魂銷昨夜聲
借陰記得過來程
虎邱舊是重遊地
冶綠留人不忍行

三分流水二分愁
缺月盈盈尙似鉤
莫戀長條怨離別
已涼時節漸中秋

柳枝詞七續

秋風搖落髮鬢鬢
回首行程住客驂
此地海珠好明月
不須愁唱望江南

昨歲蘇門識面眞
長條金嫩一時新
可憐分袂歸來後
都付郵亭十丈塵

頻年詠絮識仙才
微步凌波拂檻來
要與桃花競妍好
黛眉斜向綺窻開

一行淚墨一溪煙我見猶憐亦宿緣莫向漢南凝望眼
負他雙燕已經年

非煙非霧散溟濛金粉樓臺玉笛風分作兩家春一色
可曾偏過宋鄰東

漫從枚叟賦梁園落日寒林酒一尊聞道白門秋更早
半林黃葉已成墩

柳枝詞八續

不唱竹枝唱柳枝渭雲迢遞阻佳期迎風一葉秋先到
能向橫塘耐幾時

輕塵微雨日西斜莫怨東風只自嗟蕭索春明門外路
幾回空度計偕車

素心蘭室外集

卷二

五

腰支如搦彈微風綠映蘼蕪地半弓倚到畫闌扶不起
其他花影壓簾櫳

蘇小門前記墜鞭絮花曾伴落花顛無端一夜商聲起
拋盡黃金不少年

北固山邊阻石尤搖搖一纜怯孤舟誰云秋盡晴無絮
吹上蘆花也白頭

冶城如畫絮如煙野渡無人畫卷船我與楊枝無宿分
不隨雲水作鷗眠

柳枝詞九續

莫遣離人見柳枝一回相見一相思語兒溪上琵琶月
正是涵秋雁過時

清明風日路迢遙過盡紅橋已一條滿店吹香招我去
帶人留戀眼眉腰

紅橋修禊舊風華瘦石依蘆淺立沙幾樹蒙茸依舊綠
酒帘低處是儂家

金綫垂垂正及肩買鄰輸與白榆錢帶圍寬盡無人省
誰按辰州瑞鶴仙

九日蕩陵十日風一行斜字點征鴻何因不逐春歸去
穩繫輕橈卸短篷

舊容老去感蒼涼生意婆婆只自傷最是江干淒絕處
背人偷啟女兒箱

柳枝詞十續

素心蘭室外集

卷二

六

數株疏柳自成村雨意煙光更露痕獨倚畫樓人不見
百單五箇過黃昏

九門春雨潤於酥綠盡新稊已半枯便說染衣還有兆
可曾染得鬢絲無

隔簾風影綠天霏輕煖輕寒換袂衣一晌闌干微雨過
滯他飛絮不曾飛

連朝玉碎又珠零捲幔霏霏映鏡屏顧影莫嫌輕薄甚
十年生計識飄萍

一片孤城漠漠塵玉門依舊柳條新雙鬢已去旗亭寂
我亦當時畫壁人

手姿綽約向人時數到閭門第幾枝留得新歡征騎在

春風秋月總舒眉

柳枝詞續十一

當年聲價重章臺葉葉青青費剪裁昨夜溼瀆歸客到
累儂心事百端來

百端心事柳條中今日西偏昨日東彈指光陰三月晚
漸隨桃杏嫁春風

一到家園事事非西風作惡減芳菲柳波涌口千條在
沾盡頰霜也厭肥

芙蓉橋外記移根攀折當年亦斷魂重向歸來問秋景
黛眉全變淺深痕

曾向錢塘戀一枝夕陽門巷酒家旗而今可有遊人過
素心蘭室外集

卷二

七

風是并刀雨是絲

江北江南暖意分繫人情緒總緣君愁來記取纖纖影
一段雲鬟六幅裙

柳枝詞續十二

獨對垂楊思悄然音書長斷尺吳天飛棉寂寂無人到
雁下蘆洲月上船

見時沈醉別時醒一笛鄰舟未忍聽他日重逢江上路
樹猶如此兩飄零

一痕殘月二分餘法海橋邊獨照渠烏自夜飛鴉自宿
乘潮誰見數封書

絲絲縮住旅人腸牽到離愁默默傷幾樹烘晴花散雪

爲農時暖又時涼

年年塵土滿征衫伴我江南又嶺南落日子規帆錦遠
綠雲如畫碧珍珍

京江一面亦前因依樣苗條婀娜身兩岸平潮雙槳去
渡頭愁殺喚船人

柳枝詞續十三

陌上花開又一時路旁垂徧萬千枝鴛湖竟日無船過
宜雨宜晴待問誰

杭州過去又蘇州重向維揚說浪遊莫上小金山上去
一層風絮一層愁

絕代容華蘸水工晨粧宜面翠樓中畫成眉樣曾何補
素心蘭室外集

誰寫新圖進六宮

卷二

六

颯颯霜風漸減陰病容蕉萃到而今憐渠不似芭蕉影
剝盡重重未死心

航頭百轉又鶯聲媚眼臨波接石城無分留人偏送客
誤人風日作麼生

兒家夫婿別三年湘水無情自楚天燕子樓頭風又晚
好吹癡夢逐飛綿

柳枝詞續十四

一擣蘭橈倚綠蕪風吹殘夢過姑蘇春山眉黛秋波眼
如此丰神絕世無

日淡風和已暮春薄晴疑喜雨疑嗔年年新綠清明節

輕把遊絲誤罥人

迷濛煙雨隔溪明又拂征帆去幾程借得淡雲陰一角
倒騎驢背看人行

渡頭如共遠人期冉冉臨風問所思絮向天涯飛不返
累儂凝睇到今時

曖曖春流遠波行人如豆去來過流槎一別支機冷
空指明星望絳河

水驛煙程浪與風枯株搖漾雪溪中瀕行一握柔荑手
人面他年見可同

柳枝詞續十五

嶺南未臘信先春岸暖初回柳意新聞道半塘今幾樹

素心蘭室外集

卷二

十九

一般搖曳向行人

六代豪華未捨歸晶鹽如屑糝隋隄隋隄一樣芳菲節
偏是牽情向竹西

金山山下來程南北東西客自行忽見鳧鷖雙比翼
新詩愁唱李康成

斜拂郵亭淺拂波瓜州渡口晚潮多相逢可是曾相識
比到眉梢奈月何

最是臨風綽約時捉鞭惆悵摘家兒只今燕子巢空在
著地青青一帶垂

自賦新詞一百篇遠條無計繫離天癡心欲向屯田訴
曉岸而今月裏圓

